

四庫全書

史部

欽定四庫全書

史部

資治通鑑卷二百一

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣嵇承志

謄錄監生臣張元功

欽定四庫全書

資治通鑑卷二百

宋 司馬光 撰

胡三省 音注

唐紀十六

起旃蒙單閼十月盡玄默閏茂七月凡六年有奇

高宗天皇大聖大弘孝皇帝上之下

永徽六年冬十月巳酉下詔稱王皇后蕭淑妃謀行鴆

毒廢爲庶人母及兄弟並除名流嶺南許敬宗奏故特

進贈司空王仁祐告身尚存使逆亂餘孽猶得爲蔭

唐制

凡受官者皆給以符謂之告身司並請除削從之乙卯

百官上表請立中宮

上時掌
翻下同

乃下詔曰武氏門著勲庸

地華纓黻往以才行選入後庭

孟行下
翻

譽重椒闥德光蘭

掖朕昔在儲貳特荷先慈常得侍從弗離朝夕

荷下可
翻從才

用翻離
力智翻

宮壺之內恒自飭躬

恒戶
登翻

嬪嬙之間未嘗迂目

嬙慈良翻婦官也迂五故
翻逆而視之謂之迂目

聖情鑒悉每垂賞歎遂以武

氏賜朕事同政君

政君事見二十七卷
漢宣帝甘露三年

可立爲皇后丁

巳赦天下是日皇后上表稱陛下前以妾爲宸妃韓瑗

來濟面折庭爭

事見上卷上年瑗于卷
翻折之舌翻爭讀曰諍

此既事之極難

豈非深情爲國

爲于
偽翻

乞加褒賞上以表示瑗等瑗等彌

憂懼屢請去位上不許十一月丁卯朔臨軒命司空李

勣齋璽綬冊皇后武氏

璽斯氏翻
綬音受

是日百官朝皇后於

肅義門故后王氏故淑妃蕭氏並囚於別院上嘗念之

閒行至其所

間古
覓翻

見其室封閉極密惟竅壁以通食器

惻然傷之呼曰皇后淑妃安在王氏泣對曰妾等得罪

爲宮婢何得更有尊稱

稱尺
證翻

又曰至尊若念疇昔使妾

等再見日月乞名此院爲回心院上曰朕即有處置

處昌

呂翻

武后聞之大怒遣人杖王氏及蕭氏各一百斷去手

足捉酒甕中曰令二嫗骨醉

斷丁管翻去羌呂翻嫗咸遇翻

數日而死

又斬之王氏初聞宣敕再拜曰願大家萬歲昭儀承恩

死自吾分淑妃罵曰阿武妖猾乃至於此願他生我爲

猫阿武爲鼠生生扼其喉由是宮中不畜猫

分扶問翻妖於喬翻

畜吁玉翻

尋又改王氏姓爲蟒氏

蟒莫朗翻蛇最大者曰蟒

蕭氏爲梟氏

梟古堯翻

武后數見王蕭爲祟被髮瀝血如死時狀後徙居

蓬萊宮復見之

數所角翻崇雖遂翻復扶又翻大明宮接西內宮城之東北曰東內本永安宮

貞觀八年置九月更名大明宮以備太上皇清暑後高宗以風痺厭西內湫濕龍翔二年始大興葺曰蓬萊宮

故多在洛陽終身不歸長安已已許敬宗奏曰永徽爰

始國本未生權引彗星越升明兩

易離卦大象曰明兩作離大人以繼明照

四方彗祥歲翻

近者元妃載誕正脗降神

言代王弘武后之子當立

重光日

融燭暉宜息

崔豹古今注曰漢文帝為太子樂人歌四章以贊太子之德一曰日重光二曰月重

輪三曰星重暉四曰海重潤莊子曰日月出矣而燭火不息其於光也不亦難乎重直龍翻燭即略翻

安

可反植枝幹久易位於天庭倒襲裳衣使違方於震位

震長子也以守社稷宗廟為祭主也

又父子之際人所難言

漢武帝語田千秋之辭

事或犯鱗必嬰嚴憲

驪龍頷下有逆鱗徑尺嬰之則死喻人主之威不可犯也

煎膏

染鼎臣亦甘心上召見問之對曰皇太子國之本也本

猶未正萬國無所係心且在東宮者所出本微今知國

家已有正嫡必不自安竊位而懷自疑恐非宗廟之福

願陛下熟計之上曰忠已自讓對曰能為太伯願速從

之西突厥頡苾達度設數遣使請兵討沙鉢羅可汗

厥九勿翻數所角翻使疏吏翻可從刊入聲汗音寒

甲戌遣豐州都督元禮臣冊

拜頡苾達度設為可汗禮臣至碎葉城

自弓月城過思
渾川度伊麗河

至碎葉界又西行千里至
碎葉城屬焉耆都督府界

沙鉢羅發兵拒之不得前頡

苾達度設部落多為沙鉢羅所併餘衆寡弱不為諸姓

所附禮臣竟不冊拜而歸

中書侍郎李義府參知政

事義府容貌溫恭與人語必嬉怡微笑而狡險忌克故
時人謂義府笑中有刀又以其柔而害物謂之李猫

顯慶元年春正月辛未以皇太子忠為梁王梁州刺史
立皇后子代王弘為皇太子生四年矣忠既廢官屬皆

懼罪亡匿無敢見者右庶子李安仁獨侯忠泣涕拜辭

而去安仁綱之孫也

李綱著節於隋唐之間

壬申赦天下改元

二月辛亥贈武士驥司徒賜爵周國公

驥一統

三月

以度支侍郎杜正倫為黃門侍郎同三品

顯慶元年改戶部為度支

度徒洛翻

夏四月壬子矩州人謝無靈舉兵反

矩州諸蠻亦東謝蠻

之種落武德四年置矩州

黔州都督李子和討平之

黔音

己未上

謂侍臣曰朕思養人之道未得其要公等為朕陳之

為于

偽來濟對曰昔齊桓公出遊見老而飢寒者命賜之食

老人曰願賜一國之飢者賜之衣曰願賜一國之寒者
公曰寡人之廩府安足以周一國之飢寒老人曰君不
奪農時則國人皆有餘食矣不奪蠶桑則國人皆有餘
衣矣故人君之養人在省其征役而已今山東役丁歲
別數萬役之則人大勞取庸則人大費臣願陛下量公
家所須外餘悉免之

量音良

上從之

六月辛亥禮官奏

停太祖世祖配祀

高祖受禪追尊祖虎曰景皇帝廟號太祖考曷曰元皇帝廟號世祖

高祖配昊天於圓丘太宗配五帝於明堂

武德初立圓丘壇於明德

門外道東二里壇制四成各廣八尺一寸下成廣二十丈再成廣十五丈三成廣十丈四成廣五丈每祀則昊天上帝及配帝設位于平座藉用藁秸器用陶匏五方上帝日月內官中官外官及衆星並皆從祀其五方帝及日月七座在壇之第二等內五星以下官五十五座在壇之第三等二十八宿已下官一百三十五座在壇之第四等外官一百二十二座在壇下外壇之內衆星三百六十座在外壇之外以景帝配圓丘元帝配明堂從之 秋七月乙丑西洱蠻酋長楊棟附顯和蠻酋長

王郎祁郎昆黎盤四州酋長王伽衝等帥衆內附

梨州本西

寧州武德七年分南寧州二縣置貞觀八年更名梨州其地北接昆州晉梁水郡地也盤州本西平州武德四年置貞觀八年更名晉興古郡地也洱乃吏翻酋慈由翻帥讀曰率 癸未以中書令崔

敦禮爲太子少師同中書門下三品八月丙申固安昭

公崔敦禮薨

謚法容儀恭美曰昭昭德有勞曰昭

辛丑蔥山道行軍總

管程知節擊西突厥與歌邏處月二部戰於榆幕谷

處月

處密姑蘇歌邏祿弩失畢五姓之衆賀魯爲葉護時所統也據新書歌邏祿即葛邏祿也榆幕谷舊書本紀作榆幕大破之斬首千餘級副總管周智度攻突騎施處

谷

木昆等部於咽城拔之

西突厥咄陸五啜處木昆律突騎施皆一啜也據新書咽城即

處木昆所居處昌呂翻

斬首三萬級

乙巳龜茲王布失畢入朝

龜茲音丘慈朝直遙翻

李義府恃寵用事洛州婦人淳于氏美

色繫大理獄義府屬大理寺丞畢正義枉法出之

屬之欲翻

將納爲妾大理卿段寶玄疑而奏之上命給事中劉仁

軌等鞠之義府恐事洩逼正義自縊於獄中

縊於計翻上知

之原義府罪不問侍御史漣水王義方欲奏彈之

漣水舊曰

襄賁置東海郡東魏改曰海安郡隋開皇初廢郡改襄賁曰漣水屬海州唐屬泗水漣音連

先白其

母曰義方爲御史視姦臣不糾則不忠糾之則身危而

憂及於親爲不孝二者不能自決奈何母曰昔王陵之

母殺身以成子之名

事見九卷漢高帝元年

汝能盡忠以事君吾

死不恨義方乃奏義府於輦轂之下擅殺六品寺丞

唐六

典大理寺丞
從六品上

就云正義自殺亦由畏義府威殺身以滅

口如此則生殺之威不由上出漸不可長請更加勘當

長知兩翻
當丁浪翻

於是對仗叱義府令下義府顧望不退義方

三叱上既無言義府始趨出義方乃讀彈文上釋義府

不問而謂義方毀辱大臣言辭不遜貶萊州司戶 九

月括州暴風海溢溺四千餘家

新志處州本括州永嘉郡時兼有永嘉之地

元元年始
析置温州

冬十一月丙寅生羌酋長浪我利波等帥

衆內附以其地置柘拱二州

柘州蓬山郡拱州以鉢南伏浪恐部置皆屬松州都

督府宋白曰柘州以開拓爲稱音達各翻

十二月程知節引軍至鷹娑川

遇西突厥二萬騎別部鼠尼施等二萬餘騎繼至

鼠尼施咄

陸五吸之一也居鷹娑川後置鷹娑都督府娑素何翻

前軍總管蘇定方帥五百

騎馳往擊之西突厥大敗追奔二十里殺獲千五百餘

人獲馬及器械綿亘山野不可勝計

勝音升

副大總管王

文度害其功言於知節曰今茲雖云破賊官軍亦有死傷乘危輕脫乃成敗之法耳何急而爲此自今常結方

陳置輜重在內

陳讀曰陣重直用翻

遇賊則戰此萬全策也又矯

稱別得旨以知節恃勇輕敵委文度爲之節制遂收軍

不許深入士卒終日跨馬被甲結陳不勝疲頓

被皮義翻下同

陳讀曰陣勝音升

馬多瘦死定方言於知節曰出師欲以討賊

今乃自守坐自困敝若遇賊必敗懦怯如此何以立功

且主上以公爲大將

將即亮翻

豈可更遣軍副專其號令事

必不然請因文度飛表以聞知節不從至恒篤城

新書作坦

篤城有羣胡歸附文度曰此屬伺我旋師還復爲賊

伺相吏翻

復扶又翻

不如盡殺之取其資財定方曰如此乃自爲賊耳

何名伐叛文度竟殺之分其財獨定方不受師旋文度坐矯詔當死特除名知節亦坐逗遛追賊不及減死免

官是歲以太常卿駙馬都尉高履行爲益州長史

高履行

尚太宗女東陽公主

韓瑗上疏爲褚遂良訟寬曰

上時掌翻爲于僞翻

遂良體國忘家捐身徇物風霜其操鐵石其心社稷之

舊臣陛下之賢佐無聞罪狀斥去朝廷內外昨黎咸嗟

舉措

論語孔子曰舉直錯諸枉則民服舉枉錯諸直則民不服

臣聞晉武弘裕不貽

劉毅之誅

事見八十一卷太康三年

漢祖深仁無恙周昌之直

注見前

患於避翻

而遂良被遷已經寒暑違忤陛下其罰塞焉

忤五故翻

塞悉則翻

伏願緬鑒無辜

緬遠也

稍寬非罪俯矜微款以順人

情上謂瑗曰遂良之情朕亦知之然其悖戾好犯上

悖

內翻又蒲沒翻好呼到翻

故以此責之卿何言之深也對曰遂良社

稷忠臣爲讒諛所毀昔微子去而殷國以亡

殷紂暴虐日甚微子

抱樂器以奔周武王乃告諸侯曰殷有重罪不可不伐遂伐紂滅之

張華存而綱紀不亂

事見八十二卷至八十三卷

陛下無故棄逐舊臣恐非國家之福上

不納瑗以言不用乞歸田里上不許 劉洎之子訟其

父寬稱貞觀之末爲褚遂良所譖而死

事見一百九十八卷貞觀十九

年洎其

李義府復助之

復扶又翻

上以問近臣衆希義府之

旨皆言其枉給事中長安樂彥瑋獨曰劉洎大臣人主

暫有不豫豈得遽自比伊霍今雪洎之罪謂先帝用刑

不當乎

當丁浪翻

上然其言遂寢其事

二年春正月癸巳分哥邏祿部置陰山大漠二都督府

以謀落部置陰山府以熾俟部置大漠府俱屬北庭都護府邏郎佐翻

閏月壬寅上行

幸洛陽 庚戌以左屯衛將軍蘇定方爲伊麗道行軍

總管

伊麗河一名帝帝河

帥燕然都護渭南任雅相

燕然都護府在黃河北

至陰山七十里至回紇界七百里去京師二千七百里

龍朔三年改曰瀚海都督府總章二年改爲安北大都

護府杜佑曰後爲中受降城南去朔方千三百餘里後

魏於渭南置渭南郡隋廢爲縣屬京兆 帥讀曰率燕

因肩翻任音

壬相息亮翻

副都護蕭嗣業發回紇等兵自北道討西

突厥沙鉢羅可汗嗣業鉅之子也

蕭鉅見一百八十一卷隋煬帝大業六年

初右衛大將軍阿史那彌射及族兄左屯衛大將軍步

真皆西突厥酋長

酋慈由翻長知兩翻

太宗之世帥衆來降

彌射室點

密可汗五世孫世爲莫賀咄葉護貞觀中遣使立爲可汗族兄步真謀殺彌射而自立彌射不能國即入朝步真遂自立爲咄陸葉護衆不厭去之因亦與族人入朝帥讀曰率降戶江翻至是詔以彌射

步真爲流沙安撫大使

考異曰舊西突厥咄陸傳咄陸可汗泥熟父莫賀設貞觀七

年遣鴻臚少卿劉善因冊爲吐谷婁狀奚利苾咄陸可汗明年泥熟卒弟同娥設立爲咄陸利失可汗彌射傳云彌射者室點密可汗五代孫也世統十姓部落在本蕃爲莫賀咄葉護貞觀六年詔遣鴻臚少卿劉善因就蕃立爲奚利咄陸可汗其族兄步真欲自立謀殺彌射彌射既與步真有隙以貞觀十三年率所部處月處密部落入朝其後步真遂自立爲咄陸葉護部落不服步真復携家屬入朝彌射後從太宗征高麗有功封平襄縣伯顯慶二年轉右武衛大將軍新傳略同今欲以咄陸彌射爲二人則事多相類以爲一人則事又相違疑

不能明故但云西突厥酋長余按彌射爲咄陸可汗
唐所冊也步真爲咄陸葉護自稱也咄陸之號雖同而
可汗葉護位之尊卑有異不必泥咄陸之號而傳疑而
彌射步真實二人也余前注所引者新傳也其辭略考
異所引者舊傳也其辭詳大略同也又參考新舊書劉
善因冊可汗事與通鑑有六年七年之差而新舊書可
汗號有婁拔婁狀之差舊書又多一奚字而貞觀中立
彌射爲奚利邲咄陸可汗則新舊書同詳而考之劉善
因冊泥孰爲奚利邲咄陸可汗明年而泥孰死弟同娥
設立爲沙鉢羅咄陸利失可汗又三年而咄陸利失不爲衆
所歸西部又立欲谷設爲乙毗咄陸可汗二可汗兵爭
咄陸利失乙毗相繼走死他國而射匱寔承之太宗崩賀
魯反而射匱爲賀魯所并西突厥世次曉然可考而新
舊書於彌射傳皆云貞觀中遣劉善因立彌射爲奚利
邲咄陸可汗以泥孰傳觀之則善因所立者泥孰也以
彌射傳觀之則善因所立者彌射也考異所疑當以此

耳

自南道招集舊衆 二月辛酉車駕至洛陽宮 庚

午立皇子顯爲周王壬申徙雍王素節爲郇王

雍於用
翻郇音

荀

三月甲辰以潭州都督褚遂良爲桂州都督

桂州
至京

師水陸路四千
七百六十里

癸丑以李義府兼中書令

夏五月

丙申上幸明德宮避暑上自即位每日視事庚子宰相
奏天下無虞請隔日視事許之 秋七月丁亥朔上還

洛陽宮 王玄策之破天竺也

見上卷貞觀
二十二年

得方士那

羅邇娑婆寐以歸

娑素
何翻

自言有長生之術太宗頗信之

深加禮敬使合長生藥

太宗令娑婆寐於金甌門合延年藥合音閣

發使四

方求奇藥異石又發使詣婆羅門諸國采藥

使疏吏翻

其言

率皆迂誕無實苟欲以延歲月藥竟不就乃放還上即

位復詣長安

復扶又翻

又遣歸玄策時爲道王友

道王元慶高祖之子

唐諸王府置友一人從五品下掌陪侍規諷

辛亥奏言此婆羅門實能合長

年藥自謂必成今遣歸可惜失之玄策退上謂侍臣曰

自古安有神仙秦始皇漢武帝求之疲弊生民卒無所

成

卒子恤翻

果有不死之人今皆安在李勣對曰誠如聖言

此婆羅門今茲再來容髮衰白已改於前何能長生陛下遣之内外皆喜娑婆寐竟死於長安許敬宗李義

府希皇后旨誣奏侍中韓瑗中書令來濟與褚遂良潛

謀不軌以桂州用武之地授遂良桂州都督欲以爲外

援八月丁卯瑗坐貶振州刺史濟貶台州刺史終身不

聽朝觀

台州漢回浦縣地光武改回浦爲章安縣吳孫亮分會稽東部都尉爲臨海郡治章安江左皆

因之隋平陳廢爲臨海縣屬永嘉郡唐武德四年分置台州諸州刺史有朝集故禁絕二人不得至京師振州

至京師八千六百六里台州在京師東南四千一百七十七里朝直遙翻又貶褚遂良爲愛

州刺史榮州刺史柳奭爲象州刺史

榮州至京師二千九百七十二里象

州至京師四千九百八十九里

考異曰唐歷三月甲

辰貶遂良爲桂州都督奭愛州刺史據實錄奭坐韓瑗

貶象州新舊書唐歷皆云愛州誤也今從實錄遂良至愛州上表自陳上時掌翻往

者濮王承乾交爭之際臣不顧死亡歸心陛下時岑文

本劉洎奏稱承乾惡狀已彰身在別所其於東宮不可

少時虛曠

少詩沼翻

請且遣濮王往居東宮臣又抗言固爭

皆陛下所見卒與無忌等四人共定大策

事見一百九十七卷貞觀

十七年卒子恤翻

及先朝大漸獨臣與無忌同受遺詔

見上卷貞觀二

十三年朝

直遙翻 陛下在草土之辰不勝哀慟臣以社稷寬譬

陛下下手抱臣頸臣與無忌區處衆事咸無廢闕數日之

間內外寧謐力小任重動惟愆過螻蟻餘齒乞陛下哀

憐表奏不省

勝音升處昌呂
翻省悉景翻

已巳禮官奏四郊迎氣

存太微五帝之祀南郊明堂廢緯書六天之義其方丘

祭地之外別有神州亦請合爲一祀從之

歐陽修曰禮
曰以禋祀祀

昊天上帝此天也鄭玄以爲天皇大帝者北辰耀魄寶也又曰兆五帝於四郊此五行精氣之神也玄以爲青帝靈威仰赤帝赤熛怒黃帝含樞紐白帝白招矩黑帝叶光紀者五天也由是有六天之說唐初貞觀禮冬至

祀昊天上帝於圓丘正月辛日祀感生帝靈威仰於南郊以祈穀而孟夏雩於南郊季春大享於明堂皆祀五天帝至高宗時禮官以謂太史圓丘圖昊天上帝非耀鬼寶可知上而耀鬼寶在壇第一等則昊天上帝非耀鬼寶可知許敬宗與禮官議曰六天出於緯書而南郊圓丘一也玄以爲二物郊及明堂本以祭天而玄皆以爲祭太微五帝傳曰凡祀啓蟄而郊郊而後耕故郊祀后稷以祈農事而玄謂周祭感帝靈威仰配以后稷因而祈穀皆繆說也由是盡黜玄說又武德中冬至及孟夏雩祭皇地祇於方丘神州地祇於北郊今亦合爲一祀

辛未以禮部尚書許敬宗爲侍中兼度支尚書杜正倫

爲兼中書令

冬十月戊戌上行幸許州

許州漢潁川郡地東魏立

南鄭州後周改許州因古許國以名州也至京師一千三百里至東都四百里

乙巳畋于泚水

之南壬子至汜水曲

洹直凡翻汜水曲在鄭州新鄭縣界師古曰汜舊音凡今俗讀爲祀

十二月乙卯朔車駕還洛陽宮

蘇定方擊西突厥沙

鉢羅可汗

厥九勿翻可從刊入聲汗音寒

至金山北先擊處木昆部大

破之其俟斤嬾獨祿等帥萬餘帳來降

俟渠之翻帥讀曰率下同降戶

江翻

定方撫之發其千騎與俱右領軍郎將薛仁貴上言

泥孰部素不伏賀魯

泥孰部弩失畢五俟斤之一也騎奇寄翻下同將即亮翻下同上時

掌翻

爲賀魯所破虜其妻子今唐兵有破賀魯諸部得泥

孰妻子者宜歸之仍加賜賚使彼明知賀魯爲賊而大

唐爲之父母則人致其死不遺力矣上從之泥孰喜請

從軍共擊賀魯定方至曳咥河西

曳咥河在伊麗河東

沙鉢羅帥

十姓兵且十萬來拒戰

咄陸五噉弩失畢五俟斤是爲西突厥十姓

定方將

唐兵及回紇萬餘人擊之沙鉢羅輕定方兵少直進圍

之

紇下沒翻少詩沼翻

定方令步兵據南原攢稍外向

稍色角翻

自將

騎兵陳於北原

陳讀曰陣下布陳同

沙鉢羅先攻步軍三衝不動

定方引騎兵擊之沙鉢羅大敗追奔三十里斬獲數萬

人明日勒兵復進

復扶又翻下可復同

於是胡祿屋等五弩失畢

悉衆來降沙鉢羅獨與處木昆屈律啜數百騎西走

降戶

江翻處昌呂翻啜
陟劣翻騎奇寄翻

時阿史那步真出南道五咄陸部落

聞沙鉢羅敗皆詣步真降定方乃命蕭嗣業回紇婆閼

將胡兵趨邪羅斯川

舊書賀魯居多邏斯川在西州直北一千五百里此邪羅斯川當在

伊麗水之西咄當沒翻嗣祥吏翻紇下
沒翻趨讀曰趣音七喻翻邪讀曰耶

追沙鉢羅定方

與任雅相將新附之衆繼之

任音壬相息亮翻將
即亮翻又音如字

會大

雪平地二尺軍中咸請俟晴而行定方曰虜恃雪深謂

我不能進必休息士馬亟追之可及若緩之彼遁逃浸

遠不可復追省日兼功在此時矣乃蹋雪晝夜兼行所
過收其部衆至雙河與彌射步真合去沙鉢羅所居二
百里布陳長驅徑至其牙帳

賀魯牙帳在金牙山直石
國東北復扶又翻陳讀曰

陣

沙鉢羅與其徒將獵定方掩其不備縱兵擊之斬獲

數萬人得其鼓纛

纛徒到翻
又徒沃翻

沙鉢羅與其子啞運壻閭

啞等脫走趣石國

啞徒結翻啞陟
劣翻趣七喻翻

定方於是息兵諸部

各歸所居通道路置郵驛掩骸骨問疾苦畫疆場復生

業凡爲沙鉢羅所掠者悉括還之十姓安堵如故乃命

蕭嗣業將兵追沙鉢羅定方引軍還沙鉢羅至石國西

北蘇咄城

場音亦嗣祥吏翻還從宣
翻又音如字咄當沒翻

人馬飢乏遣人齎

珍寶入城市馬城主伊沮達官

沮于
余翻

詐以酒食出迎誘

之入

誘音
酉

閉門執之送於石國蕭嗣業至石國石國人

以沙鉢羅授之乙丑分西突厥地置濛池崑陵二都護

府

濛池都護府居碎葉川西崑陵都護府居碎葉川東
考異曰舊書賀魯傳云定方行至曳咥河西賀魯

率胡祿居闕吸等二萬餘騎列陳而待定方率任雅相
等與之交戰賊衆大敗斬大首領都搭達官等二百餘
人賀魯及闕吸輕騎奔竄渡伊西麗河兵馬溺死者甚
衆彌射進軍至伊麗水處月處密等部各帥衆來降彌

射又進次雙河賀魯先使步失達官鳩集散卒據柵拒戰彌射步真攻之大潰又與蘇定方攻賀魯於碎葉水大破之舊書本紀三年二月定方平賀魯甲寅西域平以其地置濛池崑陵二都督府據實錄擒賀魯置二都督皆在此月本紀又非

奏到月日今從實錄

以阿史那彌射爲左衛大將軍

崑陵都護興昔亡可汗押五咄陸部落阿史那步真爲右衛大將軍濛池都護繼往絕可汗押五弩失畢部落遣光祿卿盧承慶持節冊命仍命彌射步真與承慶據諸姓降者準其部落大小位望高下授刺史以下官

丁卯以洛陽宮爲東都

唐六典洛陽宮在東都皇城之北東西四里一百八十步南北

二里八十五步周四十三里二百四十一步

洛州官吏員品並如雍州

雍州用翻

是歲詔自今僧尼不得受父母及尊者禮拜

尼女所夷翻

司明有法制禁斷

有當作爲斷音短

以吏部侍郎劉祥道爲

黃門侍郎仍知吏部選事

選須絹翻下同

祥道以爲今選司取

士傷濫每年入流之數過一千四百雜色入流曾不銓

簡

雜色補官者謂之流外官入流內叙品謂之入流

即日内外文武官一品至

九品凡萬三千四百六十五員約準三十年則萬三千

餘人略盡矣

即日者即今日也

若年別入流者五百人

別彼列翻

足

充所須之數望有釐革既而杜正倫亦言入流人太多

上命正倫與祥道詳議而大臣憚於改作事遂寢祥道

林甫之子也

劉林甫貞觀初爲吏部侍郎請四時聽選

三年春正月戊子長孫無忌等上所修新禮詔中外行

之

上時掌翻

先是議者謂貞觀禮節文未備

先慈薦翻

故命無忌

等修之時許敬宗李義府用事所損益多希旨學者非

之太常博士蕭楚材等以爲豫備凶事非臣子所宜言

敬宗義府深然之遂焚國恤一篇由是凶禮遂闕

唐制太常

博士從七品上掌六禮之儀式本先王之法制適
變隨時而損益焉六禮既闕凶禮遂爲五禮焉

初

龜茲王布失畢妻阿史那氏與其相那利私通布失畢

不能禁

布失畢歸國見上卷永徽元年龜茲音丘慈又音屈佳

由是君臣猜阻各

有黨與互來告難

難乃旦翻

上兩召之既至囚那利遣左領

軍郎將雷文成送布失畢歸國

十四衛郎將正五品上

至龜茲東

境泥師城龜茲大將羯獵顛發衆拒之仍遣使降於西

突厥沙鉢羅可汗

使疏吏翻

布失畢據城自守不敢進詔左

屯衛大將軍楊胄發兵討之會布失畢病卒胄與羯獵

顛戰大破之擒羯獵顛及其黨盡誅之乃以其地爲龜
茲都督府戊申立布失畢之子素稽爲龜茲王兼都督

二月丁巳上發東都甲戌至京師 夏五月癸未徙

安西都護府於龜茲以舊安西復爲西州都督府鎮高

昌故地

貞觀十四年平高昌置安西都護府於交河城今徙於龜茲

六月營州都

督兼東夷都護程名振右領軍中郎將薛仁貴將兵攻
高麗之赤烽鎮拔之斬首四百餘級捕虜百餘人高麗
遣其大將豆方婁帥衆三萬拒之名振以契丹逆擊大

破之斬首二千五百級

考異曰舊書仁貴傳云顯慶二年副程名振經略遼東破高

麗於貴端城斬首三千級今從實錄

秋八月甲寅播羅哀獠酋長多胡

桑等帥衆內附

播羅哀羅賓生獠部落之名獠魯皓翻酋慈由翻長知兩翻

冬十

月庚申吐蕃贊普來請婚 中書令李義府有寵於上

諸子孩抱者並列清貴而義府貪冒無厭

冒莫北翻厭於鹽翻

母

妻及諸子女壻賣官鬻獄其門如市多樹朋黨傾動朝

野

朝直遙翻

中書令杜正倫每以先進自處

處昌呂翻

義府恃恩

不爲之下由是有隙與義府訟於上前上以大臣不和

兩責之十一月乙酉貶正倫橫州刺史義府普州刺史

正倫尋卒於橫州

橫州漢廣鬱高梁之地晉武帝太康七年置寧浦郡梁分置簡陽郡隋置

簡州大業廢爲寧浦縣屬鬱林郡唐武德初復置南簡州貞觀八年更名橫州至京師五千五百三十九里東都四千七百五里普州漢牛鞞墊江資中三縣地後周置安岳縣并置普州隋廢州以縣屬資陽郡唐武德二年復置普州至京師二千三百六十里至東都三千二百三里卒子恤翻

阿史那賀魯既

被擒謂蕭嗣業曰我本亡虜爲先帝所存

事見上卷貞觀二十二年

被皮義翻

先帝遇我厚而我負之今日之敗天所怒也吾聞

中國刑人必於市願刑我於昭陵之前以謝先帝上聞

而憐之賀魯至京師甲午獻於昭陵敕免其死分其種

落爲六都督府

以處木昆部爲匈奴都督府突騎施索葛莫賀部爲咄鹿都督府胡祿屋闕部

爲鹽泊都督府攝舍提瞰部爲雙河都督府鼠尼施處半部爲鷹娑都督府突騎施阿利施部爲潔山都督府

種章勇翻其所役屬諸國皆置州府西盡波斯並隸安西都

護府

四鎮都督府州三十四西域都督府十六州七十二

賀魯尋死葬於頡利墓

側戊戌以許敬宗爲中書令大理卿辛茂將爲兼侍

中開府儀同三司鄂忠武公尉遲敬德薨

尉紆勿翻

敬德

晚年閑居學延年術修飾池臺奏清商樂以自奉養不

交通賓客凡十六年年七十四以病終朝廷恩禮甚厚

是歲愛州刺史褚遂良卒 雍州司士許禕與來濟

善

唐雍州士曹司士參軍事正七品下掌津梁舟車舍宅工藝雍於用翻禕吁韋翻

侍御史張

倫與李義府有怨吏部尚書唐臨奏以禕爲江南道巡

察使倫爲劔南道巡察使

使疏吏翻

是時義府雖在外皇后

常保護之以臨爲挾私選授

四年春二月乙丑免臨官 三月壬午西突厥興昔亡

可汗與真珠葉護戰於雙河斬真珠葉護

真珠葉護事始上卷永徽

四年夏四月丙辰以于志寧爲太子太師同中書門下

三品乙丑以黃門侍郎許圜師參知政事

考異曰舊傳云二年同

中書門下三品新傳無年今從實錄按考異所謂舊傳新傳皆許圜師傳也

武后以太尉

趙公長孫無忌受重賜而不助已

事見上卷永徽五年

深怨之及

議廢王后燕公于志寧中立不言

事見上卷永徽六年燕因肩翻

武后

亦不悅許敬宗屢以利害說無忌無忌每面折之敬宗

亦怨

說輸芮翻折之舌翻

武后既立無忌內不自安后令敬宗伺

其隙而陷之

伺相吏翻

會洛陽人李奉節告太子洗馬韋季

方監察御史李巢朋黨事

沈悉薦翻監古銜翻

敕敬宗與辛茂將

鞠之敬宗按之急季方自刺不死

刺七亦翻

敬宗因誣奏季

方欲與無忌構陷忠臣近戚使權歸無忌伺隙謀反今

事覺故自殺上驚曰豈有此邪舅爲小人所間

間古覓翻

小

生疑阻則有之何至於反敬宗曰臣始末推究反狀已

露陛下猶以爲疑恐非社稷之福

考異曰資錄洛陽人李奉節上封事告

太子洗馬韋季方監察御史李巢交通朝貴有朋黨之事詔敬宗與辛茂將鞠之敬宗按之甚急季方事迫自刺不死又搜奉節得私書有題與趙師者遂奏言趙師即無忌也陰爲隱語欲陷忠良伺隙謀反上驚曰豈當

有此或容惡人間構小生疑阻至於即反猶恐不然敬宗奏曰臣始末推勘自奉節有趙師之言又得偽書是季方所作即疑無忌欲反使其潛行構間斥除忠臣近戚此計若行自然權歸無忌蹤跡已露陛下猶有所疑恐非社稷之福舊無忌傳云敬宗使人上封事稱監察御史李巢與無忌交通謀反詔敬宗與茂將鞠之唐歷統紀與實錄略同按奉節乃告事之人推鞠者豈得反搜奉節之家且與趙師者誰之私書若是李方書安得在奉節家若在奉節家奉節當執以興訟何待搜而後得又既云趙師是無忌乃是實與無忌書何得謂之偽書實錄叙此事殊鹵莽首尾差舛不可知其詳實故略取大意而已舊傳所云雖爲簡徑然高宗初無疑無忌之心故李弘泰告無忌反高宗立斬之何至奉節而獨令敬宗鞠之也且實錄在前而詳列傳在後而略故亦未可上泣曰我家不幸親戚間屢有異志往年高陽公據也

主與房遺愛謀反

事見上卷永徽三年

今元舅復然

復扶又翻

使朕慙

見天下之人茲事若實如之何對曰遺愛乳臭兒與一

女子謀反勢何所成無忌與先帝謀取天下天下服其

智爲宰相三十年

無忌自貞觀初爲相至是三十餘年

天下畏其威若一

旦竊發陛下遣誰當之今賴宗廟之靈皇天疾惡因按

小事乃得大姦實天下之慶也臣竊恐無忌知季方自

刺窘急發謀攘袂一呼

呼火故翻

同惡雲集必爲宗廟之憂

臣昔見宇文文化及父述爲煬帝所親任結以婚姻委以

朝政述卒化及復典禁兵

卒子恤翻復扶又翻下宗復同

一夕於江都

作亂先殺不附已者臣家亦豫其禍於是大臣蘇威裴

矩之徒皆舞蹈馬首唯恐不及黎明遂傾隋室

事見一百八十

六卷高祖武德元年

前事不遠願陛下速決之上命敬宗更加審

察明日敬宗復奏曰昨夜季方已承與無忌同反臣又

問季方無忌與國至親累朝寵任何恨而反季方答云

韓瑗嘗語無忌云

語牛倨翻

柳奭褚遂良勸公立梁王爲太

子今梁王既廢上亦疑公故出高履行於外

履行無忌舅子也去

年出爲益
州長史

自此無忌憂恐漸爲自安之計後見長孫祥
又出韓瑗得罪日夜與季方等謀反臣參驗辭狀咸相
符合請收捕準法上又泣曰舅若果爾朕決不忍殺之
天下將謂朕何後世將謂朕何敬宗對曰薄昭漢文帝
之舅也文帝從代來昭亦有功所坐止於殺人文帝使
百官素服哭而殺之

事見漢
文帝紀

至今天下以文帝爲明主

今無忌忘兩朝之大恩謀移社稷其罪與薄昭不可同
年而語也幸而姦狀自發逆徒引服陛下何疑猶不早

決古人有言當斷不斷反受其亂

道家之言
斷丁亂翻

安危之機

間不容髮無忌今之姦雄王莽司馬懿之流也陛下少

更遷延

少詩
沼翻

臣恐變生肘腋悔無及矣上以爲然竟不

引問無忌戊辰下詔削無忌太尉及封邑以爲楊州都

督於黔州安置準一品供給

唐六典膳部郎中一品食
料每日細白米二升粳米

梁米各一斗五升粉一升油五升鹽一升半醋三升蜜
三合粟一斗粳七顆蘇一合乾棗一升木槿十根炭十

斤葱韭豉蒜薑椒之類各有差每月給羊二十口
猪肉六十斤魚三十頭各一尺酒九斗黔音琴

祥無

忌之從父兄子也

從才
用翻

前此自工部尚書出爲荊州長

史故敬宗以此誣之敬宗又奏無忌謀逆由褚遂良柳

真韓瑗構扇而成真仍潛通宮掖謀行鴆毒于志寧亦

黨附無忌於是詔追削遂良官爵除真瑗名免志寧官

于志寧欲以賊默免禍而卒不遣使發道次兵援送無

忌詣黔州使疏無忌子秘書監駙馬都尉冲等皆除名

流嶺表長孫冲尚太宗女長樂公主遂良子彥甫彥冲流愛州於道

殺之益州長史高履行累貶洪州都督自大都督府長史為遠州都督

為貶益州在京師西南二千三百七十九里東都三千二百一十六里洪州在京師東南三千九十里至東都

二千二百一十一里 考異曰

五月丙申兵部尚書

舊傳云三年誤也今從唐歷

任雅相度支尚書盧承慶並參知政事承慶思道之孫

也

盧思道仕於高齊以文稱任
音壬相息亮翻度徒洛翻

涼州刺史趙持滿多

力善射喜任俠

喜許
記翻

其從母爲韓瑗妻

從才用翻
下之從同

其舅

駙馬都尉長孫銓無忌之族弟也銓坐無忌流雋州

雋音

隴

許敬宗恐持滿作難

難乃
旦翻

誣云無忌同反

誣云之下
恐脫與字

驛召至京師下獄訊掠備至終無異辭曰身可殺也辭

不可更

下遐嫁翻掠音
亮更工術翻

吏無如之何乃代爲獄辭結奏

結奏結其罪而奏之 戊戌誅之尸於城西親戚莫敢視友人王方

翼歎曰樂布哭彭越義也

事見十二卷漢高帝十一年

文王葬枯骨

仁也下不失義上不失仁不亦可乎乃收而葬之上聞之不罪也方翼廢后之從祖兄也長孫銓至流所縣令希旨杖殺之 六月丁卯詔改氏族志爲姓氏錄初太

宗命高士廉等修氏族志

事見一百九十五卷貞觀十二年

升降去取

時稱允當

當丁浪翻

至是許敬宗等以其書不叙武氏本望

奏請改之乃命禮部郎中孔志約等比類升降以后族

爲第一等其餘悉以仕唐官品高下爲準凡九等於是士卒以軍功致位五品豫士流時人謂之勳格許敬宗議封禪儀已已奏請以高祖太宗俱配昊天上帝太穆文德二皇后俱配皇地祇從之秋七月命御史往

高州追長孫恩象州追柳真振州追韓瑗並枷鎖詣京師仍命州縣簿錄其家恩無忌之族弟也壬寅命李勣許敬宗辛茂將與任雅相盧承慶更共覆按無忌事考

異曰唐歷是日以台州刺史來濟爲庭州刺史來濟與韓瑗事同一體瑗方下獄濟豈得移官舊書云五年徙

庭州近是許敬宗又遣中書舍人袁公瑜等詣黔州再鞠無

忌反狀

黔音琴

至則逼無忌令自縊詔柳奭韓瑗所至斬

决使者殺柳奭於象州

考異曰舊傳云奭累貶愛州刺史高宗就愛州殺之今從實

錄

韓瑗已死發驗而還

發棺而驗其尸還從宣翻又如字考異曰舊瑗傳云四年卒

官明年長孫無忌死遣使殺之使至瑗已死褚遂良傳三年卒官後二歲追削官爵實錄或因無忌徙黔州終

言之然諸書多在此月蓋因實錄年代記云七月辛未遣使逼無忌自縊按長歷七月丙子朔無辛未不可據

也籍沒三家近親皆流嶺南爲奴婢常州刺史長孫祥

坐與無忌通書處絞

常州在京師東南二千八百四十里至東都一千九百八十三里

處昌呂翻長孫恩流檀州檀州漢漁陽郡疏奚縣地後魏置安州後周改曰玄州隋開皇十六

年改檀州大業初廢州爲安樂郡唐復爲檀州在京師東北二千五百六十七里至東都一千八百四十四里

考異曰唐統紀唐歷皆云長孫恩新書云族弟恩統紀唐歷長孫詮流雋州縣令希旨殺之在此下實錄詮流雋州許敬宗懼其甥趙持滿作難遂殺持滿是詮流雋州在前今從之

八月壬子以普

州刺史李義府兼吏部尚書同中書門下三品義府既

貴自言本出趙郡與諸李叙昭穆昭市招翻無賴之徒藉其

權勢拜伏爲兄叔者甚衆給事中李崇德初與同譜及

義府出爲普州即除之義府聞而銜之及復爲相復扶又翻

使人誣構其罪下獄自殺

下選稼翻

乙卯長孫氏柳氏緣

無忌與貶降者十三人高履行貶永州刺史

永州舊零陵郡隋平

陳置永州在京師南三千二百七十里至東都三千六百六十五里

于志寧貶榮州刺

史于氏貶者九人自是政歸中宮矣

九月詔以石米

史大安小安曹拔汗那悒怛疎勒朱駒半等國置州縣

府百二十七

米國或曰彌末或曰弭秣賀北百里距康國其王治鉢息德城大安一曰布豁又曰

捕喝元魏謂怛密者東北至小安四百里西瀕烏澹河治河謚城即康居小君長闡王故地小安一曰東安曰喝汗在那密水之陽東距河二百里許治喝汗城曹亦有東西中國東曹居波悉山之陰漢貳師城地也北至

石西至康東北寧遠皆四百里西曹者隋時曹國也南
接史及波覽治瑟底痕城中曹治迦底真城拔汗那即
寧遠或曰鎔汗元魏所謂破洛那去京師八千里居西
韃城在真珠河之北後分爲二一治呼閭城一治遏塞
城怛怛國漢大月氏之種大月氏爲烏孫所奪西過大
宛擊大夏臣之大夏即吐火羅也噉噉王姓也後世以
姓爲國訛爲怛怛杜佑曰噉噉或云高車之別種或云
大月氏之別種怛怛亦大月氏別種如佑所云則噉噉
怛怛似是兩國疎勒一名佉沙距長
安九千里而羸怛音邑怛當割翻

冬十月丙午太

子加元服赦天下

太子加元服其儀備見於新書禮志

初太宗疾山東

士人自矜門地昏姻多責資財命修氏族志例降一等
王妃主婿皆取勳臣家不議山東之族而魏徵房玄齡

李勣家皆盛與爲昏常左右之

左右讀曰佐佑

由是舊望不減

或一姓之中更分某房某眷高下懸隔李義府爲其子

求昏不獲恨之

爲丁偽翻

故以先帝之旨勸上矯其弊壬戌

詔後魏隴西李寶太原王瓊滎陽鄭溫范陽盧子遷盧

渾盧輔清河崔宗伯崔元孫前燕博陵崔懿晉趙郡李

楷等子孫不得自爲昏姻

燕因肩翻

仍定天下嫁女受財之

數毋得受陪門財

陪門財者女家門望素高而議姻之家非耦令其納財以陪門望

然

族望爲時所尚終不能禁或載女竊送夫家或女老不

嫁終不與異姓爲昏其衰宗落譜昭穆所不齒者往往

反自稱禁昏家益增厚價

厚取陪門之財也昭市招翻

閏月戊寅

上發京師令太子監國太子思慕不已

人少則慕父母

上聞之

遽召赴行在戊戌車駕至東都

監古衛翻

十一月丙午以

許圜師爲散騎常侍檢校侍中

散悉竄翻奇寄翻

戊午侍中

兼左庶子辛茂將薨

思結俟斤都曼帥疎勒朱俱波

謁般陀三國反

新書作喝盤陀或曰漢陀曰渴館檀亦謂渴羅陀由疎勒西南入劔末谷不忍

嶺六百里則其國也距瓜州四千五百里直朱俱波西南距懸度山俟渠之翻帥讀曰率擊破于隩

癸亥以左驍衛大將軍蘇定方爲安撫大使以討之

堅驍

堯使
疏吏翻

以盧承慶同中書門下三品右領軍中郎

將薛仁貴等與高麗將溫沙門戰於橫山破之

將即亮
翻麗力

知
翻

蘇定方軍至業葉水

自庭州輪臺縣西行
三百許里至業葉河

思結保

馬頭川定方選精兵萬人騎三千匹馳往襲之一日一

夜行三百里詰旦至城下

騎奇寄翻
詰去吉翻

都曼大驚戰於城

外都曼敗退保其城及暮諸軍繼至遂圍之都曼懼而

出降

降戶
江翻

五年春正月定方獻俘於乾陽殿

乾陽殿在洛陽宮

法司請誅

都曼定方請曰臣許以不死故都曼出降願勾其餘生

勾古太翻

上曰朕屈法以全卿之信乃免之

甲子上發東

都二月辛巳至并州

東都至并州八百八里

三月丙午皇后宴親

戚故舊鄰里於朝堂婦人於內殿班賜有差

武后并州文水縣人

天子行幸所至皆有朝堂太宗伐高麗張受降幕於朝堂之側是也皇后所居爲內殿朝直遙翻

詔并

州婦人年八十以上皆版授郡君

郡君有正四品從四品正五品之差

百濟恃高麗之援數侵新羅

數所角翻

新羅王春秋上表求

救辛亥以左武衛大將軍蘇定方爲神丘道行軍大總

管

新書作神

帥左驍衛將軍劉伯英等

帥讀曰率驍堅堯翻

水陸十

萬以伐百濟

考異曰舊書定方傳新羅傳皆云定方爲熊津道大總管實錄定方傳亦同今從

此年實錄新唐書本紀又舊本紀唐歷皆云四年十二月癸亥以定方爲神丘道大總管劉伯英爲岨夷道行軍總管按定方時討都曼未爲神丘道總管舊書唐歷皆誤今從實錄

以春秋爲岨夷道

行軍總管

因堯典宅岨夷曰暘谷而命之

將新羅之衆與之合勢

將即亮翻

夏四月丙寅上發并州癸巳至東都五月作合璧宮

時改八關宮爲合璧宮在東都苑內

壬戌上幸合璧宮

戊辰以定襄都

督阿史德樞賓左武侯將軍延陀梯真

梯真薛延陀之種故以為姓

居延州都督李合珠並為冷岍道行軍總管

岍與岍同即令徑山

奚與契丹依阻此山以自固其地在潢水之南黃龍之北

各將所部兵以討叛奚仍

命尚書右丞崔餘慶充使總護三處兵奚尋遣使降

即將

亮翻下同使疏吏翻降戶江翻

更以樞賓等為沙磧道行軍總管以討

契丹擒契丹松漠都督阿卜固送東都

磚職緣翻

六月庚

午朔日有食之

甲午車駕還洛陽宮

房州刺史梁

王忠年浸長頗不自安或私衣婦人服以備刺客

長知兩翻

衣於
既翻

又數自占吉凶

數所
角翻

或告其事秋七月乙巳廢忠

爲庶人徙黔州囚於承乾故宅

太宗貞觀十七年徙太子承乾於黔州黔音琴

丁卯度支尚書同中書門下三品盧承慶坐科調失

所免官

度支尚書凡徭賦職貢之方經費調給之算藏貨贏縮之準悉以咨之今科調不得其所爲不

任其職故免所
居官調徒弔翻

八月吐蕃祿東贊遣其子起政將兵

擊吐谷渾以吐谷渾內附故也

吐從殿入
聲谷音浴

蘇定方引

兵自成山濟海百濟據熊津江口以拒之定方進擊破

之百濟死者數千人餘皆潰走定方水陸齊進直趣其

都城

北史百濟都俱拔城亦曰固麻城其外更有五方中方曰古沙城東方曰得安城南方曰久知下城

西方曰刀先城北方曰熊津城趣七喻翻

未至二十餘里百濟傾國來戰大

破之殺萬餘人追奔入其郭百濟王義慈及太子隆逃

於北境定方進圍其城義慈次子泰自立爲王帥衆固

守隆子文思曰王與太子皆在而叔遽擁兵自王

帥讀曰率

下同王于況翻

借使能却唐兵我父子必不全矣遂帥左右踰

城來降百姓皆從之泰不能止定方命軍士登城立幟

泰窘迫開門請命於是義慈隆及諸城主皆降

降戶江翻幟昌

志翻

百濟故有五部分統三十七郡二百城七十六萬戶

詔以其地置熊津五都督府

熊津馬韓東明金連德安五都督府

以其酋

長爲都督刺史

酋慈由翻長知兩翻

壬午左武衛大將軍鄭仁

泰將兵討思結拔也固僕骨同羅四部

拔也固即拔野古僕骨即僕固

將即亮翻

三戰皆捷追奔百餘里斬其酋長而還 冬十月

上初苦風眩頭重目不能視百司奏事上或使皇后決

之后性明敏涉獵文史處事皆稱旨由是始委以政事

權與人主侔矣

史言后移唐祚至是而勢成處昌呂翻稱尺證翻

十一月戊

戊朔上御則天門樓

唐六典東都宮城南面三門中曰應天後以武后號則天遂更曰應

也天受百濟俘自其王義慈以下皆釋之蘇定方前後滅

三國皆生擒其主

謂賀魯都曼義慈也

赦天下

甲寅上幸許州

十二月辛未畋於長社

長社漢古縣屬潁川郡隋改長社曰潁川唐復舊帶許州已

卯還東都 壬午以左驍衛大將軍契苾何力爲潁江

道行軍大總管

潁水在高麗國中驍堅堯翻契苾訖翻潁普蓋翻

左武衛大將

軍蘇定方爲遼東道行軍大總管左驍衛將軍劉伯英

爲平壤道行軍大總管蒲州刺史程名振爲鏤方道總

管將兵分道擊高麗青州刺史劉仁軌坐督海運覆船

以白衣從軍自効

考異曰舊傳云監統水軍征遼以後期坐免官按仁軌從軍乃在百濟

非征遼也今從張鷟朝野僉載

龍朔元年春正月乙卯募河南北淮南六十七州兵得

四萬四千餘人詣平壤鏤方行營戊午以鴻臚卿蕭嗣

業爲扶餘道行軍總管帥回紇等諸部兵詣平壤

肅陵如翻

帥讀曰率紇下沒翻

二月乙未晦改元三月丙申朔上與羣

臣及外夷宴於洛城門

唐六典洛陽宮城西北出曰洛城西門其內曰德昌殿德昌殿

南出曰延慶門又南曰韶暉門西
南曰洛城南門其內曰洛城殿

觀屯營新教之舞謂

之一戎大定樂

取一戎衣天下大定之義舞者百四十人披五采甲持槊而舞劉昫曰大定樂

出自破陳樂自破陳舞以下皆雷大鼓雜以龜茲之樂
聲振百里動蕩山谷大定樂加金鉦象平遼東而邊隅

大定也杜佑曰大定時上欲親征高麗以象用武之勢
樂歌云八紘同軌樂

也初蘇定方既平百濟留郎將劉仁願鎮守百濟府

城又以左衛中郎將王文度爲熊津都督撫其餘衆文

度濟海而卒

卒子恤翻

百濟僧道琛故將福信聚衆據周留

城將即迎故王子豐於倭國而立之

倭烏禾翻

引兵圍仁願

於府城詔起劉仁軌檢校帶方州刺史

帶方州置於百濟界因古地名

以名州

考異曰僉載云劉仁願以仁軌檢校帶方州刺史今從本傳

將王文度之衆便

道發新羅兵以救仁願

將即亮翻

仁軌喜曰天將富貴此翁

矣於州司請唐厯及廟諱以行

按劉仁軌自青州刺史白衣從軍此蓋於青州

州司請之也

曰吾欲掃平東夷頒大唐正朔於海表仁軌御

軍嚴整轉鬪而前所向皆下百濟立兩柵於熊津江口

仁軌與新羅兵合擊破之殺溺死者萬餘人

溺奴狄翻

道琛

乃釋府城之圍退保任存城

任存城在百濟西部任存山

考異曰實錄或作任

孝城未知孰是
令從其多者

新羅糧盡引還道琛自稱領軍將軍福

信自稱霜岑將軍招集徒眾其勢益張

張知亮翻

仁軌眾少

與仁願合軍休息士卒

少詩沼翻

上詔新羅出兵新羅王春

秋奉詔遣其將金欽將兵救仁軌等至古泗福信邀擊

敗之

將即亮翻
敗補逆翻

欽自葛嶺道遁還新羅不敢復出

復扶又翻

福信尋殺道琛專總國兵 夏四月丁卯上幸合璧宮

庚辰以任雅相爲涓江道行軍總管契必何力爲遼

東道行軍總管蘇定方爲平壤道行軍總管與蕭嗣業

及諸胡兵凡三十五軍水陸分道並進上欲自將大軍

繼之癸巳皇后抗表諫親征高麗麗力知翻詔從之六月

癸未以吐火羅噉斮賓波斯等十六國斮賓隋漕國也居蔥嶺南

距長安萬二千里而羸四國及訶達羅支國解蘇國骨

咄施國帆延國石汗那國護時捷國恒沒國烏拉喝國

多勒建國俱蜜國護蜜多國久越得捷國凡置都督府

十六噉益涉翻噉當割翻又宅軋翻斮音計

八州七十六考異曰唐歷云置州二十六今從統紀

以東凡十六國各以其王都為都督府吐火羅國都為

月氏都督府領州二十五噉噉國都為大汗都督府領

州十五訶達羅支國都為條支都督府領州九解蘇國

都為天馬都督府領州二骨咄施國都為高附都督府

資治通鑑

領州二屬賓國都為脩鮮都督府領州十帆延國都為
寫鳳都督府領州四石汗那國都為悅般州都督府領
州一護時捷國都為奇沙州都督府領州二怛沒國都
為姑墨州都督府領州一烏拉喝國都為旅葵州都督
府多勒建國都為崑墟州都督府俱密國都為至拔州
都督府護密多國都為烏飛州都督府領州一久越得
捷國都為王庭州都督府波斯國都為波斯都督府通
鑑言置都督府八者蓋謂月氏大汗條支天馬高附脩
鮮寫鳳波斯八都督府餘悅般等八州都督府不預也
新志所載領州七十二其數亦與通鑑所引統紀不合
縣一百一十軍府一百二十六並隸安西都護府 秋

七月甲戌蘇定方破高麗於沮江屢戰皆捷遂圍平壤
城 九月癸巳朔特進新羅王春秋卒以其子法敏為

樂浪郡王新羅王

卒子恤翻樂浪音洛琅

壬子徙潞王賢爲沛

王賢聞王勃善屬文

屬之欲翻

召爲修撰

撰士免翻

勃通之孫也

王通隋末大儒謚文中子

時諸王鬪雞勃戲爲檄周王雞文

曰舊傳考異

云檄英王雞按中宗爲英王時沛王賢已爲太子當云周王

上見之怒曰此乃交構

之漸斥勃出沛府

高麗蓋蘇文遣其子男生以精兵

數萬守鴨綠水諸軍不得度契苾何力至值冰大合何

力引衆乘冰度水鼓譟而進高麗大潰追奔數十里斬

首三萬級餘衆悉降

降戶江翻

男生僅以身免會有詔班師

乃還

冬十月丁卯上畋於陸渾

陸渾古伊川春秋時秦晉遷陸渾戎於此

漢因以名縣屬弘農郡後魏置伊川郡隋廢郡改縣曰伏流大業初復曰陸渾屬洛州

戊申又畋

於非山癸酉還宮

回紇酋長婆閨卒姪比粟毒代領

其衆

統下沒翻酋慈由翻長知兩翻卒子恤翻異曰新書傳云婆閨卒子比粟嗣今從舊傳

考與

同羅僕固犯邊詔左武衛大將軍鄭仁泰爲鐵勒道行

軍大總管燕然都護劉審禮左武衛將軍薛仁貴爲副

燕固肩翻

鴻臚卿蕭嗣業爲仙萼道行軍總管

磧北有仙萼河右屯

衛將軍孫仁師爲副將兵討之

將即亮翻

審禮德威之子也

劉德威見一百五十四
卷太宗貞觀十一年

二年春正月辛亥立波斯都督卑路斯爲波斯王
二月甲子改百官名以門下省爲東臺中書省爲西臺尚
書省爲中臺侍中爲左相中書令爲右相僕射爲匡政
左右丞爲肅機尚書爲太常伯侍郎爲少常伯其餘二
十四司御史臺九寺七監十六衛並以義訓更其名而
職任如故
戶部爲司元度支爲司度金部爲司珍倉部
改吏部爲司列司勳司封如故考功爲司績
禮部爲司禮祠部爲司禋主客爲司蕃膳部爲
膳兵部爲司戎職方爲司城駕部爲司輿庫部爲司

庫刑部為司刑都官為司僕比部為司計司門為司關
工部為司平屯田為司田虞部為司虞水部為司川凡
二十四司郎中皆改為大夫改御史臺曰憲臺大夫曰
大司憲中丞曰司憲大夫改太常寺曰奉常寺光祿寺
曰司宰寺衛尉寺曰司衛寺宗正寺曰司宗寺太僕寺
曰司馭寺大理寺曰詳刑寺鴻臚寺曰同文寺司農寺
曰司稼寺太府寺曰外府寺凡九寺卿皆曰正卿少卿
皆曰大夫改秘書省曰蘭臺監監曰太史少監曰侍郎
丞曰大夫殿中省為中御府監監曰大監國子監為司
成館祭酒曰大司成司業曰少司成少府監為內府監
將作監為繕工監大匠曰大監少匠曰少監都水監為
司津監凡七監左右衛府驍衛府武衛府皆省府宇左
右威衛曰左右武威衛左右領軍衛曰左右戎衛左右
候衛曰左右金吾衛左右監門府曰左右監門衛左右
千牛府曰左右奉
宸衛凡十六衛

甲戌沮江道大總管任雅相薨於

軍雅相爲將

俱普大翻任音士相
息亮翻將即亮翻

未嘗奏親戚故吏從

軍皆移所司補授謂人曰官無大小皆國家公器豈可

苟使其私由是軍中賞罰皆平人服其公 戊寅左驍

衛將軍白州刺史沃沮道總管龐孝泰

白州本漢合浦
縣地武德四年

置南州六年改
白州沮子余翻

與高麗戰於蛇水之上軍敗與其子十

三人皆戰死蘇定方圍平壤久不下會大雪解圍而還

三月鄭仁泰等敗鐵勒於天山

敗補邁翻
下所敗翻

鐵勒九姓

聞唐兵將至合衆十餘萬以拒之選驍健者數十人挑

戰薛仁貴發三矢殺三人餘皆下馬請降仁貴悉阮之

度磧北擊其餘衆獲葉護兄弟三人而還

曉堅堯翻挑徒了翻降戶

江翻磧七亦翻

軍中歌之曰將軍三箭定天山壯士長歌入漢

關思結多濫葛等部落先保天山聞仁泰等將至皆迎

降仁泰等縱兵擊之掠其家以賞軍虜相帥遠遁

帥讀曰率

將軍楊志追之爲虜所敗候騎告仁泰虜輜重在近往

可取也

騎奇寄翻下同重直用翻

仁泰將輕騎萬四千倍道赴之遂

踰大磧至仙萼河

新書回鶻牙北六百里至仙娥河

不見虜糧盡而還

值大雪士卒飢凍棄捐甲兵殺馬食之馬盡人自相食

比入塞

比必寐翻及也

餘兵纔八百人軍還司憲大夫楊德裔

劾奏仁泰等

漢御史臺有二丞掌殿內秘書謂之中丞漢末改為御史長史後漢復為中丞後魏

改為中尉正北齊復曰中丞後周曰司憲中大夫隋諱中改為治書御史唐因之貞觀末避高宗名改為中丞是年改為司憲大夫正五品上掌貳大司憲持

邦國憲章以肅正朝廷勅戶槩翻又戶得翻

誅殺已

降

降戶江翻

使虜逃散不撫士卒不計資糧遂使骸骨蔽野

棄甲資寇自聖朝開創以來未有如今日之喪敗者仁貴於所監臨貪淫自恣雖矜所得不補所喪並請付法

司推科

喪息浪翻監古衛翻推科者推問而科處其罪

詔以功贖罪皆釋之以

右驍衛大將軍契必何力為鐵勒道安撫使左衛將軍

姜恪副之以安輯其餘衆何力簡精騎五百馳入九姓

中虜大驚何力乃謂曰國家知汝皆脅從赦汝之罪罪

在酋長得之則已

酋慈由翻

其部落大喜共執其葉護及設

特勒等二百餘人以授何力何力數其罪而斬之

數所具翻

九姓遂定 甲午車駕發東都辛亥幸蒲州夏四月庚

申朔至京師 辛巳作蓬萊宮

蓬萊宮即大明宮亦曰東內程大昌曰大明宮

地本太極宮之後苑東北面射殿之地在龍首山上太宗初於其地營永安宮以備太上皇清暑雖嘗改名大明宮而太上皇仍居大安宮不曾徙入龍朔二年高宗苦風痺惡太極宮卑下故就修大明宮改名蓬萊宮取殿後蓬萊池以

為名作營造也

五月丙申以許圜師為左相

相息亮翻

六月乙丑初令僧尼道士女官致敬父母

尼女夷翻

秋七

月戊子朔赦天下 丁巳熊津都督劉仁願帶方州刺

史劉仁軌大破百濟於熊津之東拔真峴城初仁願仁

軌等屯熊津城

考異曰去歲道琛福信圍仁願於百濟府城今云尚在熊津城或者共是一

城不則圍解之後徙屯熊津城耳

上與之敕書以平壤軍回一城不可

獨固宜拔就新羅若金法敏藉卿留鎮宜且停彼若其
不須即宜泛海還也將士咸欲西歸仁軌曰人臣徇公
家之利有死無貳豈得先念其私主上欲滅高麗故先
誅百濟留兵守之制其心腹雖餘寇充斥而守備甚嚴
宜礪兵秣馬擊其不意理無不克既捷之後士卒心安
然後分兵據險開張形勢飛表以聞更求益兵朝廷知
其有成必命將出師聲援纔接凶醜自殲

將即亮翻
殲息康翻

直不棄成功實亦永清海表今平壤之軍既還熊津又

拔拔謂拔軍就新羅或拔軍西還也則百濟餘燼不日更興高麗逋寇

何時可滅且今以一城之地居敵中央苟或動足即爲擒虜縱入新羅亦爲羈客脫不如意悔不可追况福信凶悖殘虐君臣猜離行相屠戮正宜堅守觀變乘便取之不可動也衆從之時百濟王豐與福信等以仁願等孤城無援遣使謂之曰大使等何時西還當遣相送使疏城大山沙井等柵殺獲甚衆分兵守之福信等以真峴

吏翻下同

城險要加兵守之仁軌伺其稍懈引新羅兵夜傳城下

攀草而上比明入據其城

伺相吏翻懈古隘翻傳音附上時掌翻比必寐翻

遂

通新羅運糧之路仁願乃奏請益兵詔發淄青萊海之

兵七千人以赴熊津

史言劉仁軌能堅忍伺間待援兵以盡平百濟

福信專權

與百濟王豐浸相猜忌福信稱疾卧於窟室欲俟豐問

疾而殺之豐知之帥親信襲殺福信

果如劉仁軌所遣料帥讀曰率

使詣高麗倭國乞師以拒唐兵

倭烏禾翻

資治通鑑卷二百

欽定四庫全書

資治通鑑卷二百一

宋 司馬光 撰

胡三省 音注

唐紀十七

起玄默閼茂八月盡上
章敦牂凡八年有奇

高宗天皇大聖大弘孝皇帝中之上

龍朔二年八月壬寅以許敬宗爲太子少師同東西臺

三品知西臺事

同中書門下三
品知中書事

九月戊寅初令八品

九品衣碧

衣於
翻

冬十月丁酉上幸驪山溫湯太子監

國監古
銜翻

丁未還宮

庚戌西臺侍郎陝人上官儀同東

西臺三品

西臺侍郎即中書
侍郎陝失冉翻

癸丑詔以四年正月有

事於泰山仍以來年二月幸東都左相許圜師之子

奉輦直長自然遊獵犯人田

奉輦直長即尚輦直長殿
中六局直長正七品龍朔

改尚輦局為奉輦局
相息亮翻長知兩翻

田主怒自然以鳴鏑射之

射而翻圜

師杖自然一百而不以聞田主詣司憲訟之司憲大夫

楊德裔不為治

治直
之翻

西臺舍人袁公瑜遣人易姓名上

封事告之

西臺舍人即中書舍人
為于偽翻上時掌翻

上曰圜師為宰相侵

陵百姓匿而不言豈非作威作福圉師謝曰臣備位樞

軸以直道事陛下不能悉允衆心故爲人所攻訐

訐居謁翻

至於作威福者或手握彊兵或身居重鎮臣以文吏奉

事聖明惟知閉門自守何敢作威福上怒曰汝恨無兵

邪許敬宗曰人臣如此罪不容誅遽令引出詔特免官

考異曰舊本紀十一月辛未圉師下獄新本紀十一月辛未圉師貶虔州刺史今據實錄辛未免官久之貶虔

州刺史舊紀貶虔州刺史在三年二月新本紀誤

癸酉立皇子旭輪爲殷王

旭輪後改名旦是爲睿宗

十二月戊申詔以方討高麗百濟

麗力知翻

河北之民勞於征役其封泰山幸東都並停 颶海道

總管蘇海政

颶越筆翻

受詔討龜茲

龜茲音丘慈

敕興筭亡繼往

絕二可汗發兵與之俱

可從刊入聲汗音寒

至興筭亡之境繼往

絕素與興筭亡有怨

事見上卷顯慶二年注

密謂海政曰彌射謀

反請誅之

阿史那彌射是為興昔亡可汗

時海政兵纔數千集軍吏謀

曰彌射若反我輩無噍類

噍才笑翻

不如先事誅之

先悉薦翻

乃

矯稱敕令大總管齎帛數萬段賜可汗及諸酋長興筭

亡帥其徒受賜海政悉收斬之其鼠尼施拔塞幹兩部

亡走

鼠尼施啜陸五部之一也拔塞幹侯斤弩失畢五部之一也苜慈由翻長知兩翻帥讀曰率尼女

夷翻

海政與繼往絕追討平之軍還至疎勒南弓月部復

引吐蕃之衆來欲與唐兵戰海政以師老不敢戰以軍

資賂吐蕃約和而還由是諸部落皆以興昔亡爲冤各

有離心繼往絕尋卒

復扶又翻卒子恤翻

十姓無主有阿史那都

支及李遮旬收其餘衆附於吐蕃

為都支遮旬連兵反張本

是歲

西突厥寇庭州刺史來濟將兵拒之

厥九勿翻將即亮翻

謂其衆

曰吾久當死幸蒙存全以至今日當以身報國遂不釋

甲冑赴敵而死

三年春正月左武衛將軍鄭仁泰討鐵勒叛者餘種悉

平之

種章
勇翻

乙酉以李義府爲右相

右相中
書令也

仍知選事

選須
絹翻

二月徙燕然都護府於回紇更名瀚海都護徙

故瀚海都護於雲中古城更名雲中都護

燕然都護置
於貞觀二十

一年見一百九十八卷瀚海都護置於永徽
元年見一百九十九卷燕因肩翻更工衡翻以磧爲境

磧北州府皆隸瀚海磧南隸雲中

雲中都護府治金河
即秦漢雲中舊城東

北至朔州三百七十里麟德元年更名單于大都護府
杜佑曰單于都護府南至榆林郡百二十里東南到馬

邑郡三百五十里磧七逆翻

三月許圜師再貶虔州刺史

虔州在京師東

南四千一百七十里至東都三千四百里

楊德裔以阿黨流庭州圜師子文

思自然並免官

右相河間郡公李義府典選

選須絹翻

恃

中宮之勢專以賣官爲事銓綜無次怨讟盈路上頗聞

之從容謂義府曰卿子及壻頗不謹多爲非法我尚爲

卿掩覆卿宜戒之

從千容翻爲于偽翻覆敷又翻

義府勃然變色頸頰

俱張

張知亮翻

曰誰告陛下上曰但我言如是何必就我索

其所從得邪

索山客翻

義府殊不引咎緩步而去上由是不

悅望氣者杜元紀謂義府所居第有獄氣宜積錢二十

萬緡以厭之

厭於
協翻

義府信之聚斂尤急

斂力
贍翻

義府居母

喪朔望給哭假

假古
訝翻

輒微服與元紀出城東登古塚候

望氣色或告義府窺覘災眚陰有異圖

覘丑廉翻又丑
艷翻眚所景翻

又遣其子右司議郎津召長孫無忌之孫延受其錢七

百緡除延司津監

唐東官司議郎四人正六品上掌啟
奏記注龍朔改司議郎為左司議郎

太子舍人為右司議郎漢官有都水長屬主爵掌諸池
沼後改為使者後漢改為河隄謁者晉置都水臺有使
者一人掌舟楫之事梁改為太舟卿北齊亦曰都水臺
隋改為都水監唐因之貞觀改為使者從六品龍朔元

年改為司津監掌
川澤津梁之政令

右金吾倉曹參軍楊行穎告之夏四

月乙丑下義府獄

下遐嫁翻

遣司刑太常伯劉祥道與御史

詳刑共鞫之

司刑太常伯即刑部尚書詳刑大理也唐自永徽以後大獄以尚書刑部御史臺大

理寺官雜按謂之三司

仍命司空李勣監焉

監古街翻

事皆有實戍子

詔義府除名流雋州津除名流振州諸子及壻並除名

流庭州朝野莫不稱慶

雋音髓朝直遙翻

或作河間道行軍元

帥劉祥道破銅山大賊李義府露布

李義府河間人故云然帥所類翻

榜之通衢義府多取人奴婢及敗各散歸其家故其露

布云混奴婢而亂放各識家而競入

此姑述時人快義府之得罪而有是

通鑑因采而誌之以為世鑒學者為文類有所祖漢高帝為太上皇營新豐後人誌其事其辭云混雞犬而亂放各識家而競入此語所祖有自來矣

乙未置鷄林大都督府於新羅

國以金法敏為之

丙午蓬萊宮含元殿成上始移仗

居之更命故宮曰西內

故宮謂太極宮自武德以來人主居之自是以後謂之西內更

工衛

戊申始御紫宸殿聽政

蓬萊宮正殿曰含元殿含元之後曰宣政殿宣政殿

北曰紫宸門內有紫宸殿即內衙之正殿

五月壬午柳州蠻酋吳君解反

柳州漢潭中縣地隋置馬平縣唐武德四年置南昆州貞觀八年改曰柳州

遣冀州長史劉

伯英右武衛將軍馮士翹發嶺南兵討之

翹呼外翻

吐蕃

與吐谷渾互相攻各遣使上表論曲直更來求援

吐從嗽入

聲谷音浴使疏吏翻上時掌翻更工衛翻迭也

上皆不許吐谷渾之臣素和貴

有罪逃奔吐蕃具言吐谷渾虛實吐蕃發兵擊吐谷渾

大破之吐谷渾可汗曷鉢與弘化公主帥數千帳奔國

走依涼州請徙居內地

唐會要曰吐谷渾自永嘉之末始西度洮水建國於群羌之故

地龍朔三年為吐蕃所滅凡三百五十年帥讀曰率下同

上以涼州都督鄭仁泰為

青海道行軍大總管帥右武衛將軍獨孤卿雲辛文陵

等分屯涼鄯二州以備吐蕃

鄯時戰翻涼鄯相去五百八十里

六月戊

申又以左武衛大將軍蘇定方為安集大使節度諸軍

為吐谷渾之援吐蕃祿東贊屯青海遣使者論仲琮入

見

吐蕃立國之初有大論小論以統國事後因以為貴姓見賢通翻

表陳吐谷渾之罪

且請和親上不許遣左衛郎將劉文祥使於吐蕃降璽

書責讓之

將即亮翻璽斯氏翻

秋八月戊申上以海東累歲用

兵百姓困於征調

調徒吊翻

士卒戰溺死者甚衆

溺奴狄翻

詔罷

三十六州所造船遣司元太常伯竇德玄等

司元太常伯即戶部

尚書分詣十道問人疾苦黜陟官吏德玄毅之曾孫也寶毅

太穆皇
后之父

九月戊午熊津道行軍總管右威衛將軍孫

仁師等破百濟餘衆及倭兵於白江拔其周畱城倭鳥
未翻

初劉仁願劉仁軌既克真峴城克真峴城見
上卷二年詔孫仁師

將兵浮海助之將即亮
翻下同百濟王豐南引倭人以拒唐兵

仁師與仁願仁軌合兵勢大振諸將以加林城水陸之

衝欲先攻之仁軌曰加林險固急攻則傷士卒緩之則

曠日持久周畱城虜之巢穴羣凶所聚除惡務本書泰
誓之

言宜先攻之若克周留諸城自下於是仁師仁願與新

羅王法敏將陸軍以進仁軌與別將杜爽扶餘隆將水

軍及糧船自熊津入白江以會陸軍同趣周留城

趣七喻翻

遇倭兵於白江口四戰皆捷焚其舟四百艘烟炎灼天

艘蘇遭翻
炎讀曰燄

海水皆赤百濟王豐脫身奔高麗王子忠勝

忠志等帥衆降

帥讀曰率下之帥皆
帥降戶江翻下同

百濟盡平唯別帥

遲受信據任存城不下

帥所類翻
尉紆勿翻

初百濟西部人黑齒

常之長七尺餘驍勇有謀略

長直亮翻
驍亮翻

仕百濟為達率

兼郡將猶中國刺史也

新羅官有十六品左平一品達率二品五方各有方領一人以

達率為之方有十郡郡有將三人以德率為之德率四品百濟置官蓋與新羅略同也率所類翻

蘇定

方克百濟常之帥所部隨衆降定方繫其王及太子縱

兵劫掠壯者多死常之懼與左右十餘人遁歸本部收

集亡散保任存山結柵以自固旬月間歸附者三萬餘

人定方遣兵攻之常之拒戰唐兵不利常之復取二百

餘城

復扶又翻

定方不能克而還

還從宣翻又如字

常之與別部將

沙吒相如

沙吒夷人復姓吒陟加翻

各據險以應福信百濟既敗皆

帥其衆降劉仁軌使常之相如自將其衆取任存城仍以糧仗助之孫仁師曰此屬獸心何可信也仁軌曰吾觀二人皆忠勇有謀敦信重義但向者所託未得其人今正是其感激立效之時不用疑也遂給其糧仗分兵隨之攻拔任存城遲受信弃妻子奔高麗詔劉仁軌將兵鎮百濟召孫仁師劉仁願還百濟兵火之餘比屋彫殘

比毗必翻
又毗至翻

僵尸滿野仁軌始命瘞骸骨籍戶口理村

聚署官長通道塗立橋梁補隄堰復陂塘課耕桑賑貧

乏養孤老立唐社稷頌正朔及廟諱

卒如仁軌之志所謂有志者事竟成

也僵居良翻瘞於計翻長知兩翻賑津忍翻

百濟大悅闔境各安其業然後

修屯田儲糗糧訓士卒以圖高麗

糗去九翻

劉仁願至京師

上問之曰卿在海東前後奏事皆合機宜復有大理

復扶

又翻

卿本武人何能如是仁願曰此皆劉仁軌所為非臣

所及也上悅加仁軌六階

勲有級官有階

正除帶方州刺史為

築第長安厚賜其妻子遣使齎璽書勞勉之

為于偽翻使疏吏翻

勞力到翻

上官儀曰仁軌遭黜削而能盡忠

黜削謂白衣從軍自効也仁

願秉節制而能推賢皆可謂君子矣 冬十月辛巳朔

詔太子每五日於光順門內視諸司奏事

唐六典大明宮紫宸殿內

朝正殿也殿之南面曰紫宸門左曰崇明門右曰光順門其事之小者皆委太子決

之 十二月庚子詔改來年元 壬寅以安西都護高

賢為行軍總管將兵擊弓月以救于闐 是歲大食擊

波斯拂菻破之

拂菻古大秦國也居西海上曰海西國去京師四萬里北直突厥可薩部西

瀕海東南接波斯杜佑曰大秦前漢犂靬國也犂力錦翻又力鳩翻類篇曰佛菻

南侵婆羅門

吞滅諸胡勝兵四十餘萬

勝音升

麟德元年

去年絳州麟見又含元殿前麟趾見於是改元

春正月甲子改雲中

都護府為單于大都護府以殷王旭輪為單于大都護

單音

初李靖破突厥

見一百九十三卷太宗貞觀四年厥九勿翻

遷三百帳

於雲中城阿史德氏為之長

長知兩翻

至是部落漸衆阿史

德氏詣闕請如胡法立親王為可汗以統之上召見謂

曰今之可汗古之單于也故更為單于都護府

更工衛翻改也

而使殷王遙領之 二月戊子上行幸萬年宮

永徽元年改九

成宮為萬年宮

夏四月壬子衛州刺史道孝王元慶薨 丙

午魏州刺史郇公孝協坐賊賜死司宗卿隴西王博義

奏孝協父叔良死王事

司宗卿即宗丘卿叔良太祖之孫高祖時叔良擊突厥中流矢

薨郇音荀

孝協無兄弟恐絕嗣上曰畫一之法不以親疎異

制

漢書云蕭何為法講若畫一注云畫一言整齊也

荀害百姓雖皇太子亦所

不赦孝協有一子何憂乏祀乎孝協竟自盡於第 五

月戊申朔遂州刺史許悼王孝薨

孝上子也後宮所生

乙卯於

昆明之弄棟川置姚州都督府

劉昫曰漢益州郡之雲南縣古滇國後漢屬永

昌郡蜀劉氏分永昌為建寧郡又分永昌建寧置雲南郡而治于弄棟晉改為晉寧郡又置寧州武德四年安

撫大使李英以此川人多姓姚故置姚州令陞置都督府管州三十三

秋七月丁未朔

詔以三年正月有事於岱宗 八月丙子車駕還京師

幸舊宅

舊宅帝為晉王時所居也

留七日壬午還蓬萊宮 丁亥以

司列太常伯劉祥道兼右相

司列太常伯即吏部尚書大司憲竇德

玄為司元太常伯檢校左相

太府憲即御史大夫司元太常伯即戶部尚書左相

即侍中

冬十月庚辰檢校熊津都督劉仁軌上言

上時臣掌翻

伏覩所存戍兵疲羸者多勇健者少

羸倫為翻少詩沼翻

衣服貧

敝唯思西歸無心展效臣問以往在海西見百姓人人

應募爭欲從軍或請自辦衣糧謂之義征何為今日士

卒如此咸言今日官府與曩時不同人心亦殊曩時東

西征役身沒王事並蒙敕使弔祭

使疏吏翻

追贈官爵或以

死者官爵回授子弟凡度遼海者皆賜勲一轉自顯慶

五年以來征人屢經度海官不記錄其死者亦無人誰

何

誰何問也問其為誰緣何而死也

州縣每發百姓為兵其壯而富者

行錢參逐皆亡匿得免

謂州縣官發人為兵其吏卒之參陪隨逐者富民行錢與之相

為掩蔽得以亡匿按元和四年御史臺奏比來常參官入光範門及中書省所將參從人數頗多參從猶參逐

也貧者身雖老弱被發即行項者破百濟及平壤苦戰

破百濟見上卷顯慶五年平壤苦戰見龍朔二年被皮義翻

當時將帥號令許以勲

賞無所不至及達西岸惟聞枷鎖推禁奪賜破勲州縣
追呼無以自存公私困弊不可悉言以是昨發海西之
日已有逃亡自殘者非獨至海外而然也又本因征役
授勲級以為榮寵而比年出征皆使勲官挽引此毗至
翻挽引
謂挽引勞苦與白丁無殊百姓不願從軍率皆由此臣
又問曩日士卒留鎮五年尚得支濟今爾等始經一年

何為如此單露咸言初發家日惟令備一年資裝今已
二年未有還期臣檢校軍士所留衣今冬僅可充事來
秋以往全無準擬陛下留兵海外欲殄滅高麗百濟高
麗舊相黨援倭人雖遠亦共為影響若無鎮兵還成一
國今既資戍守又置屯田所藉士卒同心同德而衆有
此議何望成功自非有所更張厚加慰勞董仲舒曰琴瑟不調必改
而更張之更工明賞重罰以起士心若止如今日以前
衡翻勞力到翻處置恐師衆疲老立效無日逆耳之事或無人為陛下

盡言

處昌呂翻
為于偽翻

故臣披露肝膽昧死奏陳上深納其言

遣右威衛將軍劉仁願將兵渡海以代舊鎮之兵

將即亮翻

仍敕仁軌俱還仁軌謂仁願曰國家懸軍海外欲以經

略高麗其事非易

易以政翻

今收穫未畢而軍吏與士卒一

時代去軍將又歸

將即亮翻
下軍將同

夷人新服衆心未安必將

生變不如且留舊兵漸令收穫辦具資糧節級遣還

節級

猶令人言
節次也

軍將且留鎮撫未可還也仁願曰吾前還海

西大遭讒謗云吾多留兵衆謀據海東幾不免禍

幾居希翻

今日唯知准敕

准與準同本朝冠準為相省吏避其名凡大書準字皆去十後遂因而不改

豈敢擅有所為仁軌曰人臣苟利於國知無不為豈恤

其私乃上表陳便宜

上時掌翻

自請留鎮海東上從之仍以

扶餘隆為熊津都尉

考異曰實錄作熊津都督按時劉仁軌檢校熊津都督豈可復以隆

為之明年實錄稱熊津都尉扶餘隆與金法敏盟今從之

使招輯其餘衆初武后

能屈身忍辱奉順上意故上排羣議而立之及得志專

作威福上欲有所為動為后所制上不勝其忿有道士

郭行真出入禁中嘗為厭勝之術

勝音升厭於協翻又於琰翻

宦者

王伏勝發之上大怒密召西臺侍郎同東西臺三品上官儀議之儀因言皇后專恣海內所不與請廢之上意亦以為然即命儀草詔左右奔告於后后遽詣上自訴詔草猶在上所上羞縮不忍復待之如初復扶又翻猶恐后怨怒因給之曰我初無此心皆上官儀教我儀先為陳

王詔議與王伏勝俱事故太子忠

忠自陳王立為皇太子王府詔議參軍正

五品上掌
許謨左右

后於是使許敬宗誣奏儀伏勝與忠謀大逆

十二月丙戌儀下獄

下選
嫁翻

與其子庭芝王伏勝皆死籍

沒其家戊子賜忠死於流所

顯慶五年忠徙黔州

右相劉祥道坐

與儀善罷政事為司禮太常伯

司禮太常伯即禮部尚書

左肅機鄭

欽泰等

左肅機即尚書左丞

朝士流貶者甚衆皆坐與儀交通故

也

朝直遙翻

自是上每視事則后垂簾於後政無大小皆與

聞之

與讀曰預

天下大權悉歸中宮黜陟殺生決於其口天

子拱手而已中外謂之二聖

考異曰唐歷群臣朝謁萬方表奏皆呼為二聖帝

坐于東間后坐于西間后隨其愛憎生殺在口按武后雖悍戾豈得高宗尚在與高宗對坐受群臣朝謁乎恐

不至此今從實錄

太子右中護檢校西臺侍郎樂彥瑋

龍朝改左

右庶子為
左右中護

西臺侍郎孫處約並同東西臺三品

二年春正月丁卯吐蕃遣使入見請復與吐谷渾和親

見賢通翻
復扶又翻

仍求赤水地畜牧

即河源之赤水也本
吐谷渾地畜吁玉翻

上不

許 二月壬午車駕發京師丁酉至合璧宮 上語及

隋煬帝謂侍臣曰煬帝拒諫而亡朕常以為戒虛心求

諫而竟無諫者何也李勣對曰陛下所為盡善羣臣無

得而諫

褚遂良韓瑗之死不唯拒諫且殺諫者矣羣臣
誰敢復諫乎李勣獻諛以苟利祿而不知凶于

其家 三月甲寅以兼司戎太常伯姜恪同東西臺三品

恪寶誼之子也

司戎太常伯即兵部尚書姜寶誼從高祖起兵于太原

辛未東都

乾元殿成

乾元殿洛陽宮正殿也武后垂拱四年毀為明堂

閏月壬申朔車駕

至東都

踈勒弓月引吐蕃侵于闐敕西州都督崔知

辯左武衛將軍曹繼叔將兵救之

將即亮翻考異曰實錄作西川都督按

於時未有西川之名必西州也

夏四月戊辰左侍極陸敦信

龍朔改左右散

騎常侍為左右侍極

檢校右相斷句西臺侍郎孫處約太子右中護

檢校西臺侍郎樂彥瑋並罷政事

處昌呂翻

祕閣郎中李

淳風

龍朔改太史局為祕閣局令為郎中丞為郎

以傅仁均戊寅歷推步浸

疎乃增損劉焯皇極歷

戊寅歷始行見一百八十七卷高祖武德二年隋時劉焯造甲

子元歷謂之皇極歷為張賓所撰不得行焯之若翻

更撰麟德歷五月辛卯行之

更工衡翻

秋七月己丑兗州都督鄧康王元裕薨上命

熊津都尉扶餘隆與新羅王法敏釋去舊怨

去羌呂翻

八月

壬子同盟于熊津城劉仁軌以新羅百濟耽羅倭國使

者浮海西還

耽羅國一曰儋羅居新羅武州南島上初附百濟後附新羅

會祠泰山

高麗亦遣太子福男來侍祠冬十月癸丑皇后表稱

封禪舊儀祭皇地祇太后昭配而令公卿行事禮有未

安至日妾請帥內外命婦奠獻

內命婦自三妃至采女以備古者三夫人九嬪

二十七世婦八十一御妻又有六尚二十四司二十四典二十四掌龍朔二年又置贊德宣儀承恩承旨衛仙

供奉侍御侍巾亦分為九品皆內官也外命婦皇姑封大長公主皇姊妹封長公主皇女封公主皇太子之女

封郡主王之女封縣主王母妻為妃一品及國公母妻為國夫人三品以上母妻為郡夫人五品勳官三品封

母妻為縣君散官並同職事勳官四品封母妻為鄉君其母並加太字各視其夫子之品

以皇后為亞獻免州博城縣有社首山越國太妃燕氏為終獻燕氏

越王貞之母蓋太宗妃嬪此壬戌詔封禪壇所設上帝

后上位先用藁秸陶匏等結古點翻並宜改用茵褥罍爵其

諸郊祀亦宜準此又詔自今郊廟享宴大舞用功成慶

善之樂武舞用神功破陳之樂

陳讀曰陣

丙寅上發東都從

駕文武儀仗數百里不絕

從才用翻

列營置幕彌亘原野東

自高麗西至波斯烏長諸國

自吐火羅踰五種至婆羅觀邏北踰山行六百里得

烏長國長讀曰長

朝會者各帥其屬扈從穹廬毳幕牛羊駝馬

填咽道路時比歲豈稔

朝直遙翻帥讀曰率從才用翻比毗至翻

米斗至五

錢麥豆不列于市十一月戊子上至濮陽

濮陽顏頊之墟春秋

衛成公自楚丘徙此漢為濮陽縣帶東郡晉分為濮陽郡隋為縣屬滑州唐屬濮州濮博木翻

竇德玄

騎從

騎奇翻
從才用翻

上問濮陽謂之帝丘何也德玄不能對

許敬宗自後躍馬而前曰昔顓頊居此故謂之帝丘上

稱善敬宗退謂人曰大臣不可以無學吾見德玄不能

對心實羞之德玄聞之曰人各有能有不能吾不強對

以所不知此吾所能也

強其兩翻

李勣曰敬宗多聞信美矣

德玄之言亦善也壽張人張公藝九世同居

壽張縣前漢曰壽良

屬東郡光武改壽張屬東平國隋屬濟州唐屬鄆州

齊隋唐皆旌表其門上過壽

張幸其宅問所以能共居之故公藝書忍字百餘以進

上善之賜以縑帛十二月丙午車駕至齊州留十日丙辰發靈巖頓至泰山下有司於山南為圓壇山上為登封壇社首山上為降禪方壇

乾封元年春正月戊辰朔上祀昊天上帝于泰山南已巳登泰山封玉牒上帝冊藏以玉匱配帝冊藏以金匱皆纏以金繩封以金泥印以玉璽藏以石碣

璽斯氏翻
碣古禪翻

庚午降禪于社首祭皇地祇上初獻畢執事者皆趨下
官者執帷皇后升壇亞獻帷帟皆以錦繡為之

周禮注
在旁曰

惟在上曰帝帝帷中座上承塵也帝音亦

酌酒實俎豆登歌皆用宮人壬申

上御朝覲壇受朝賀

朝直遙翻下同

赦天下改元文武官三品

已上賜爵一等四品已下加一階先是階無泛加皆以

勞考叙進至五品三品仍奏取進止

先悉薦翻

至是始有泛

階比及末年服緋者滿朝矣

比必利翻

時大赦惟長流人不

聽還李義府憂憤發病卒

龍朔三年李義府流雋州

自義府流竄朝

士日憂其復入及聞其卒衆心乃安

復扶又翻卒子恤翻

丙戌車

駕發泰山辛卯至曲阜

曲阜魯侯伯禽所都應劭云曲阜在魯城中委曲長七八里隋

始置曲阜
縣屬兗州

贈孔子太師以少牢致祭

少詩
照翻

癸未至亳州

謁老君廟

亳州谷陽縣漢苦縣也有老子祠是年改
為真源縣亳州至東都八百九十八里

上

尊號曰太上玄元皇帝丁丑至東都留六日甲申幸合

璧宮夏四月甲辰至京師

東都至京師
八百五十里

謁太廟

庚戌

左侍極兼檢校右相陸敦信以老疾辭職拜大司成兼

左侍極罷政事

大司成即
國子祭酒

五月庚寅鑄乾封泉寶錢

一當十俟期年盡廢舊錢

期讀
曰莽

高麗泉蓋蘇文卒長

子男生代為莫離支

辛子恤翻
長知兩翻

初知國政出巡諸城使

其弟男建男產知留後事或謂二弟曰男生惡二弟之

逼

惡鳥路翻

意欲除之不如先為計二弟初未之信又有告

男生者曰二弟恐兄還奪其權欲拒兄不納男生潛遣

所親往平壤伺之

伺相吏翻

二弟收掩得之乃以王命召男

生男生懼不敢歸男建自為莫離支發兵討之男生走

保別城使其子獻誠詣闕求救六月壬寅以左驍衛大

將軍契必何力為遼東道安撫大使將兵救之以獻誠

為右武衛將軍使為鄉導

契欺訖翻必必翻大使疏吏翻將即亮翻鄉讀曰嚮

又以右金吾衛將軍龐同善營州都督高侃為行軍總

管同討高麗 秋七月乙丑朔徙殷王旭輪為豫王以

大司憲兼檢校太子左中護劉仁軌為右相初仁軌為

給事中按畢正義事

事見上卷
顯慶元年

李義府怨之出為青州

刺史會討百濟仁軌當浮海運糧時未可行

海行非遇
順風不可

義府督之遭風失船丁夫溺死甚衆命監察御史袁異

式往鞠之

溺奴狄翻
監古街翻

義府謂異式曰君能辦事不憂無

官異式至謂仁軌曰君與朝廷何人為讐宜早自為計

仁軌曰仁軌當官不職國有常刑公以法斃之無所逃

命若使遽自引決以快讐人竊所未甘乃具獄以聞異

式將行仍自掣其鎖

恐鎖不入黃行後得私開之也掣昌列翻

獄上

上時掌翻

義

府言於上曰不斬仁軌無以謝百姓舍人源直心曰海

風暴起非人力所及上乃命除名以白衣從軍自效

事見

上卷顯慶五年

義府又諷劉仁願使害之仁願不忍殺及為大

司憲異式懼不自安仁軌滙觴告之曰仁軌若念疇昔

之事有如此觴仁軌既知政事異式尋遷詹事丞

詹事丞正

六品

時論紛然仁軌聞之遽薦為司元大夫

司元大夫即戶部郎

中

監察御史杜易簡謂人曰

易以政翻

斯所謂矯枉過正矣

八月辛丑司元太常伯兼檢校左相竇德玄薨

初

武士護娶相里氏

護一號翻相息亮翻

生男元慶元奭又娶楊氏

生三女長適越王府法曹賀蘭越石

長知兩翻

次皇后次適

郭孝慎士護卒元慶元奭及士護兄子惟良懷運皆不

禮於楊氏楊氏深銜之越石孝慎及孝慎妻並早卒越

石妻生敏之及一女而寡后既立楊氏號榮國夫人越

石妻號韓國夫人

唐制國夫人位一品

惟良自始州長史超遷司

衛少卿

司衛少卿即衛尉少卿

懷運自瀛州長史遷淄州刺史元

慶自右衛郎將為宗正少卿

此時已改宗正為司宗

元奐自安州

戶曹累遷少府少監

此時已改少府監為內府監

榮國夫人嘗置酒

謂惟良等曰頗憶疇昔之事乎今日之榮貴復何如對

曰惟良等幸以功臣子弟早登宦籍揣分量才不求貴

達豈意以皇后之故曲荷朝恩夙夜憂懼不為榮也

復扶

又翻分扶問翻荷下可翻朝直遙翻

榮國不悅皇后乃上疏請出惟良等

為遠州刺史

上時掌翻

外示謙抑實惡之也

惡烏路翻下后惡同

於是

以惟良檢校始州刺史元慶為龍州刺史元奐為濠州

刺史

龍州古江油秦漢曹魏為無人之地鄧艾伐蜀由陰平景谷行無人之地七百里始至江油晉置陰

平郡於此置平武縣至梁有楊李二姓大象分據其地後魏平蜀置龍州濠州漢鍾離縣地晉安帝分置鍾離

郡梁置北徐州後齊曰西楚州隋開皇二年改曰濠州唐曰濠州始州至京師一千六百六十二里至東都二

千五百六十里龍州至京師二千六百六十里東都三千一百一十五里濠州至京師二千一百五十里東都

一千三百一十三里

元慶至州以憂卒

卒子恤翻下同

元奐坐事流振州

而死韓國夫人及其女以后故出入禁中皆得幸於上

韓國尋卒其女賜號魏國夫人上欲以魏國為內職心

難后未決后惡之會惟良懷運與諸州刺史詣泰山朝

覲從至京師惟良等獻食

朝直遙翻從才用翻

考異

惟良等獻食
今從實錄

后密置毒醢中使魏國食之暴卒因歸罪

於惟良懷運丁未誅之改其姓為蝮氏懷運兄懷亮早

卒其妻善氏尤不禮於榮國坐惟良等沒入掖庭榮國

令后以他事束棘鞭之肉盡見骨而死 九月龐同善

大破高麗兵泉男生帥眾與同善合詔以男生為特進

遼東大都督兼平壤道安撫大使封玄菟郡公

帥讀曰率使疏

吏翻下同
菟同都翻

戊子金紫光祿大夫致仕廣平宣公劉祥

道薨子齊賢嗣齊賢為人方正上甚重之為晉州司馬

將軍史興宗嘗從上獵苑中因言晉州產佳鵝劉齊賢

今為司馬請使捕之上曰劉齊賢豈捕鵝者邪

鵝弋卿照翻

何以此待之冬十二月己酉以李勣為遼東道行軍

大總管以司列少常伯安陸郝處俊副之

安陸縣漢屬江夏郡宋分

屬安陸郡隋唐屬安州處昌呂翻

以擊高麗龐同善契苾何力並為遼

東道行軍副大總管兼安撫大使如故其水陸諸軍總

管并運糧使竇義積獨孤卿雲郭待封等並受勛處分

處昌呂翻
分扶問翻

河北諸州租賦悉詣遼東給軍用待封孝恪

之子也

郭孝恪事太宗
戰死於龜茲

勛欲與其壻京兆杜懷恭偕行

以求勲效懷恭辭以貧勛贍之復辭以無奴馬

膽昌艷
翻下同

復扶
又翻

又贍之懷恭辭窮乃亡匿岐陽山中謂人曰公欲

以我立法耳勛聞之流涕曰杜郎疎放

今人猶呼
壻為郎

此或

有之乃止

二年春正月上耕藉田有司進耒耜加以彫飾上曰耒

耜農夫所執豈宜如此之麗命易之

耒盧對翻

既而耕之九

推乃止

耕藉之制月令及鄭玄注周禮皆云天子三推盧植注禮記曰天子耕藉一發九推耒此用盧

說也推吐雷翻

自行乾封泉寶錢穀帛踊貴商賈不行

賈音古

癸未詔罷之 二月丁酉涪陵悼王惜薨

惜上弟也涪音浮惜於今

翻

辛丑復以萬年宮為九成宮

永徽一年改九成宮為萬年宮復扶又翻

又如字

生羌十二州為吐蕃所破三月戊寅悉罷之

上屢責侍臣不進賢衆莫敢對司列少常伯李安期對

曰天下未嘗無賢亦非羣臣敢蔽賢也

司列少常伯即吏部侍郎少始

照翻

比來公卿有所薦引為讒者已指為朋黨滯淹者未

獲伸而在位者先獲臯是以各務杜口耳陛下果推至

誠以待之其誰不願舉所知此在陛下非在羣臣也上

深以為然安期百樂之子也

李百樂德林之子比毗至翻

夏四月

乙卯西臺侍郎楊弘武戴至德正諫大夫兼東臺侍郎

李安期東臺舍人昌樂張文瓘司列少常伯兼正諫大

夫河北趙仁本並同東西臺三品

龍朔改給事中為東臺舍人諫議大夫為

正諫大夫

弘武素之弟子

楊素仕隋貴顯

至德胄之兄子也

戴

相太

時造蓬萊上陽合璧等宮

上陽宮在洛陽宮城之西南隅南臨洛水西距

宗

穀水東即宮城北連禁苑宮內正門正殿皆東向正門曰提象正殿曰觀風其內別殿亭觀凡所上陽之西隔

穀水有西上陽宮虹梁跨穀行幸往來

頻征伐四夷廐馬萬匹倉庫漸虛

張文瓘諫曰隋鑒不遠願勿使百姓生怨上納其言減

廐馬數千匹

秋八月己丑朔日有食之

辛亥東臺

侍郎同東西臺三品李安期出為荊州長史

荊州京師東南一千

七百三十里至東都一千三百三十五里宋白曰荊州秦南郡地漢為臨江國江左置荊州以為重鎮擬周之

分陝唐為
大都督府

九月庚申上以久疾命太子弘監國

監古
街翻

辛未李勣拔高麗之新城使契苾何力守之勣初度

遼謂諸將曰新城高麗西邊要害不先得之餘城未易

取也

易以
鼓翻

遂攻之城人師夫仇等縛城主開門降

降戶
江翻

勣引兵進擊一十六城皆下之龐同善高侃尚在新城

泉男建遣兵襲其營左武衛將軍薛仁貴擊破之侃進

至金山與高麗戰不利高麗乘勝逐北仁貴引兵橫擊

大破之斬首五萬餘級

新書作斬
級五十

拔南蘇木底蒼巖三

城

三城後皆置為州

與泉男生軍合郭待封以水軍自別道趣

平壤勳遣別將馮師本載糧仗以資之

趣七喻翻將即亮翻

師本

船破失期待封軍中飢窘欲作書與勳恐為虜所得知

其虛實乃作離合詩以與勳

離合詩離析字畫合之成文以見其意

勳怒

曰軍事方急何以詩為必斬之行軍管記通事舍人元

萬頃為釋其義

管記掌軍中書檄為子偽翻

勳乃更遣糧仗赴之萬

頃作檄高麗丈曰不知守鴨綠之險泉男建報曰謹聞

命矣即移兵據鴨綠津唐兵不得度上聞之流萬頃於

嶺南郝處俊在高麗城下未及成列高麗奄至軍中大

駭處俊據胡床方食乾糒

胡床即今之交床
乾音干糒音備

潛簡精銳

擊敗之

敗補
邁翻

將士服其膽略

冬十二月甲午詔自今

祀昊天上帝五帝皇地祇神州地祇並以高祖太宗配

仍合祀昊天上帝五帝於明堂

北兼用貞觀
顯慶之禮

是歲海

南獠陷瓊州

瓊州本隋朱崖郡之瓊山縣
貞觀五年置瓊州獠魯皓翻

總章元年

以將作明堂改元
是年三月方改元

春正月壬子以右相劉仁

軌為遼東道副大總管

二月壬午李勣等拔高麗扶

餘城

扶餘國之故墟
故城存其名

薛仁貴既破高麗於金山乘勝將

三千人將攻扶餘城諸將以其兵少止之仁貴曰兵不
在多顧用之何如耳遂為前鋒以進與高麗戰大破之

殺獲萬餘人遂拔扶餘城扶餘川中四十餘城皆望風

請服侍御史洛陽賈言忠奉使自遼東還

使疏
吏翻

上問以

軍事言忠對曰高麗必平上曰卿何以知之對曰隋煬

帝東征而不克者人心離怨故也

事見隋
煬帝紀

先帝東征而

不克者高麗未有豐也

事見太宗
豐許觀翻紀

今高藏微弱權臣

擅命蓋蘇丈死男建兄弟內相攻奪男生傾心內附為

我鄉導

鄉讀曰綱

彼之情偽靡不知之以陛下明聖國家富

彊將士盡力以乘高麗之亂其勢必克不俟再舉矣且

高麗連年飢饉妖異屢降

妖於喬翻

人心危駭其亡可翹足

待也上又問遼東諸將孰賢

謂征遼東之諸將也

對曰薛仁貴勇

冠三軍龐同善雖不善鬪而持軍嚴整高侃勤儉自處

忠果有謀契苾何力沈毅能斷雖頗忌前

冠古玩翻處昌呂翻沈持

林翻斷丁亂翻忌前忌人在已前也

而有統御之才然夙夜小心忘身憂

國皆莫及李勣也上深然其言泉男建復遣兵五萬人

救扶餘城

復扶又翻

與李勣等遇於薛賀水

新書作薛賀水

合戰大

破之斬獲三萬餘人進攻大行城拔之

朝廷議明堂

制度略定三月庚寅赦天下改元

戊寅上幸九成宮

夏四月丙辰彗星見于五車

五車五星五帝車舍也五帝坐也主天子五兵

一曰主五穀豐耗西北大星曰天庫主太白主秦次東北曰獄主辰星主燕趙次東星曰天倉主歲星主魯衛次東南曰司空主填星主楚次西南曰卿星主熒惑主魏五星有變皆以其所占之據舊紀五車在昴畢間見

賢通翻下同

上避正殿減常膳撤樂許敬宗等奏請復

常曰彗見東北高麗將滅之兆也上曰朕之不德謫見于天豈可歸咎小夷且高麗百姓亦朕之百姓也不許戊辰彗呈滅 辛巳西臺侍郎同東西臺三品楊弘武薨 八月辛酉卑列道行軍總管右威衛將軍劉仁願坐征高麗逗留流姚州 癸酉車駕還京師 九月癸巳李勣拔平壤勣既克大行城諸軍出它道者皆與勣會進至鴨綠柵高麗發兵拒戰勣等奮擊大破之追奔二百餘里拔辱夷城諸城遁逃及降者相繼

降戶江契
翻下同

苾何力先引兵至平壤城下勳軍繼之圍平壤月餘高

麗王藏遣泉男產帥首領九十八人持白幡詣勳降勳

以禮接之

帥讀曰率

泉男建猶閉門拒守頻遣兵出戰皆敗

男建以軍事委僧信誠信誠密遣人詣勳請為內應後

五日信誠開門勳縱兵登城鼓譟焚城四月

月當作角否則作周

男建自刺不死

判七亦翻

遂擒之高麗悉平

冬十月戊午

以烏茶國婆羅門盧迦逸多為懷化大將軍

烏茶國一曰烏婁直

天竺南東距勃律六百里西蜀賓四百里婆羅門僧也唐置懷化大將軍從三品以授蕃官

逸多自

言能合不死藥

合音

上將餌之東臺侍郎郝處俊諫曰

脩短有命非藥可延貞觀之末

觀古玩翻

先帝服那羅邇娑

婆寐藥竟無效大漸之際名醫不知所為議者歸罪娑

婆寐將加顯戮恐取笑戎狄而止

娑婆寐事見上卷顯慶二年

前鑒

不遠願陛下深察上乃止李勣將至上命先以高藏

等獻于昭陵具軍容奏凱歌入京師獻于太廟十二月

丁巳上受俘于含元殿

東內正殿曰含元殿唐六典曰含元殿即龍首山之東趾階上

高於平地四十餘尺南去丹鳳門四百餘步東西廣五百步殿前玉階三級每級引出一塢頭其下為龍尾道

委蛇屈曲
凡七轉

以高藏政非已出敕以為司平太常伯負外

同正

司平太常伯即工部尚書按舊書永徽五年尚藥奉御蔣孝璋員外特置仍同正員員外同正自此

始

以泉男產為司宰少卿

司宰少卿即先祿少卿

僧信誠為銀青

光祿大夫泉男生為右衛大將軍李勣以下封賞有差

泉男建流黔中

黔音琴

扶餘豐流嶺南分高麗五部百七

十六城六十九萬餘戶為九都督府四十二州

新城州遼城州

哥勿州衛樂州舍利州居素州越喜州去旦州建安州凡有九都督府四十二州存於志者南蘇蓋年代那倉巖磨米積利黎山延津木底安市諸北識利拂涅拜漢十四州而已百縣置安東都護府

於平壤以統之擢其酋帥有功者為都督刺史縣令與

華人參理

苒慈由翻帥所類翻理猶治也時避上名以治為理通鑑因唐史成文

以右威

衛大將軍薛仁貴檢校安東都護摠兵二萬人以鎮撫

之丁卯上祀南郊告平高麗以李勣為亞獻己巳謁太

廟渭南尉劉延祐弱冠登進士第

渭南縣屬雍州後魏之渭南郡後周

廢為縣冠古玩翻

政事為畿縣最

唐雍州諸縣萬年長安為赤縣餘縣為畿縣六典曰城內

為京縣城外為畿縣

李勣謂之曰足下春秋甫爾遽擅大名宜稍

自貶抑無為獨出人右也

史言李勣愛人以德

時有敕征遼軍

士逃亡限內不首及首而更逃者身斬

首式又翻

妻子籍沒

太子上表

上時字翻

以為如此之比其數至多或遇病不及

隊伍怖懼而逃

怖晉布翻

或因樵採為賊所掠或渡海漂沒

或深入賊庭為所傷殺軍法嚴重同隊恐并獲罪即舉

以為逃軍旅之中不暇勘當

當丁浪翻

直據隊司通狀關移

所屬妻子沒官情實可哀書曰與其殺不辜寧失不經

書大禹謨之言注云經常也寧失不常之罪不枉不辜之善

伏願逃亡之家免其配

沒從之

甲戌司戎太常伯姜恪兼檢校左相司平太

常伯閻立本守右相 是歲京師及山東江淮旱飢

二年春二月辛酉以張文瓘為東臺侍郎以右肅機檢

校太子中護譙人李敬玄為西臺侍郎譙縣帶亳州並同東

西臺三品先是同三品不入銜至是始入銜先悉薦翻考異曰

陳紀在乾封二年文瓘始同三品銜今從舊本紀陳字必誤 癸亥以雍州長史盧

承慶為司刑太常伯雍於用翻承慶常考內外官有一官督

運遭風失米承慶考之曰監運損糧考中下監古街翻其人

容色自若無言而退承慶重其雅量改注曰非力所及

考中中既無喜容亦無愧詞又改曰寵辱不驚考中上

三月丙戌東臺侍郎郝處俊同東西臺三品 丁亥

詔定明堂制度其基八觚

觚攻乎翻方殺也

其宇上圓覆以清

陽玉葉

覆敦又翻時按淮南子清陽為天故覆明堂以清陽之色玉葉非必以玉為之蓋亦瓦之類謂

之葉者尚朴之意猶茨之以茅也曰玉者示寶貴之耳

其門牆階級窓櫺楣柱柳

棗枅棋

說大曰在牆曰櫺在屋曰窓釋名窓聰也於內見外之聰明也櫺盧經翻櫺間于窓隔也楣屋

招說文曰楣屋樑毛晃曰棟下橫木曰楣柱楹也柳魚剛翻斜櫺謂之飛柳棗子結翻梁上構櫺枅堅奚翻屋櫺所以承桁棋居皆法天地陰陽律歷之數詔下之後

欽定四庫全書

資治通鑑

三

衆議猶未決又會飢饉竟不果立 夏四月己酉朔上

幸九成宮 高麗之民多離叛者敕徙高麗戶三萬八

千二百於江淮之南及山南京西諸州空曠之地留其

貧弱者使守安東 六月戊申朔日有食之 秋八月

丁未朔詔以十月幸涼州時隴右虛耗議者多以為未

宜遊幸上聞之辛亥御延福殿

九成宮中
有延福殿

召五品已上

謂曰自古帝王莫不巡守

又守手
翻

故朕欲巡視遠俗若果

為不可何不面陳而退有後言何也自宰相以下莫敢

對詳刑大夫來公敏獨進曰

詳刑大夫即大理少卿

巡守雖帝王

常事然高麗新平餘寇尚多西邊經略亦未息兵隴右

戶口彫弊鑾輿所至供億百端誠為未易

易以鼓翻

外閒實

有竊議但明制已行故羣臣不敢陳論耳上善其言為

之罷西巡

為于偽翻

未幾擢公敏為黃門侍郎

幾居豈翻

甲戌改

瀚海都護府為安北都護府

瀚海府見龍朔三年

九月丁丑朔詔

徙吐谷渾部落就涼州南山議者恐吐蕃侵暴使不能

自存欲先發兵擊吐蕃右相閣立本以為去歲飢歛未

可興師議久不決竟不果徙庚寅大風海溢漂永嘉安

固六千餘家

漢順帝永建四年分章安東甌鄉立永寧縣江左改曰永豐隋平陳改曰永嘉縣入

孫吳立羅陽縣孫皓改曰安陽縣晉平吳改曰安固縣並屬永嘉郡唐初屬東嘉州貞觀元年州廢二縣屬括

州冬十月丁巳車駕還京師十一月丁亥徙豫王旭

輪為冀王更名輪

更工衡翻

司空太子太師英貞武公李

勣寢疾

英者封國名貞武其謚也

上悉召其子弟在外者使歸侍疾

上及太子所賜樂勣則餌之子弟為之迎醫

為于偽翻下親為非

為父為同皆不聽進曰吾本山東田夫遭值聖明致位三公

年將八十

考異曰舊傳云勳年八十六臨終語弟弼云年將八十新傳改云年踰八十按新舊傳

實錄皆云大業末翟讓聚衆為盜勳年十七往從之自大業十三年至此五十二年若據舊傳年八十六則年十七當在開皇時不得云大業末也總章元年賈言忠對高宗云勳年登八十去此止一年若據新傳勳滅高麗時年已八十五亦不得云年登八十今從實錄 豈非命邪脩短有期豈能復

就醫上求活

復扶又翻下不復同

一旦忽謂其弟司衛少卿弼曰

吾今日少愈可共置酒為樂

日少詩沼翻樂音洛

於是子孫悉集

酒闌謂弼曰吾自度必不起

度徒洛翻

故欲與汝曹為別耳

汝曹勿悲泣聽我約束我見房杜平生勤苦僅能立門

戶遭不肖子蕩覆無餘

謂房遺愛杜荷也

吾有此子孫今悉付

汝葬畢汝即遷入我堂撫養孤幼謹察視之其有志氣

不倫交遊非類者皆先撾殺然後以聞

以勦之智蓋知敬業必為變也

豈知敬業乃忠於唐室邪過則公翻

自是不復更言十二月戊申薨上聞

之悲泣葬日幸未央宮登樓望轎車慟哭起冢象陰山

鐵山烏德韃山

轎音而轎車喪車也所以載柩烏德韃山在回紇牙帳西南

以旌其

破突厥薛延陀之功

勦破突厥見一百九十三卷貞觀四年破薛延陀見一百九十八卷

二十年厥九公翻

勦為將有謀善斷

將即亮翻斷丁亂翻

與人議事從善

如流戰勝則歸功於下所得金帛悉散之將士故人思

致死所向克捷臨事選將必訾相其狀貌豐厚者遣之

訾即移翻訾之為
言量也相息亮翻

或問其故勛曰薄命之人不足與成

功名閨門雍睦而嚴其姊嘗病勛已為僕射親為之煮

粥風回熱其須髻

熱如
悅翻

姊曰僕妾幸多何自苦如是勛

曰非為無人使令也顧姊老勛亦老雖欲久為姊煮粥

其可得乎勛常謂人我年十二三時為亡賴賊

亡讀
曰無

逢

人則殺十四五為難當賊有所不愜則殺人

愜
叶翻

十七

八為佳賊臨陳乃殺之

陳讀曰陣

二十為大將用兵以救人

死勳長子震早卒

長知兩翻卒子恤翻

震子敬業襲爵

考異曰劉餗小說

云高宗時犀蠻為寇討之輒不利乃除徐敬業為刺史發卒郊迎敬業盡放令還單騎至府賊聞新刺史至皆繕理以待敬業一無所問處置他事已畢方曰賊安在曰在南岸乃從二佐吏而往觀之莫不駭愕賊初持兵覘望及見船中無人及兵仗更閉營藏隱敬業直入其營內告云國家知汝等為貪吏所害非有他惡可悉歸田後去者為賊唯召其帥責以不早降之意各杖數十而遣之境內肅然其祖英公壯其膽略曰吾不辦此然破我家必此兒也按敬業武后時舉兵旋踵敗亡若有智勇何至如此今不取

時承平既久

選人益多

選須絹下同

是歲司列少常伯裴行儉始與負外

郎張仁祿

唐制尚書二十四司各司有郎中二員從五品上員外郎二員從六品上祿呼祿翻

設

長名姓歷牘引銓注之法又定州縣升降官資高下其

後遂為永制無能革之者大畧唐之選法取人以身言

書判

唐擇人之法有四一曰身取其體貌豐偉二曰言取其言辭辯正三曰書取其楷法道美四曰判取

其大理優長

計資量勞而擬官始集而試觀其書判已試而

銓察其身言已銓而注詢其便利已注而唱集衆告之

然後類以為甲先簡僕射乃上門下給事中讀侍郎省

侍中審之不當者駁下

上時掌翻省悉景翻當丁浪翻駁比角翻

既審然後

上聞主者受旨奉行各給以符謂之告身兵部武選亦

然

武選兵部主之

課試之法以騎射及翹關負米

翹關長丈七尺徑二寸半

凡十舉後手持關距出處無過一尺負米者負米五斛行二十步皆為中第騎奇寄翻

人有格限

未至而能試文三篇謂之宏詞試判三條謂之拔萃入

等者得不限而授其黔中嶺南閩中州縣官不由吏部

委都督選擇土人補授

黔音琴閩音巾翻選如字

凡居官以年為考

六品以下四考為滿

咸亨二年

是年三月始改元

春正月丁丑右相劉仁軌請致仕

許之 三月甲戌朔以旱赦天下改元 丁丑改蓬萊

宮為含元宮

即含元殿
以為宮名

壬辰太子少師許敬宗請致

仕許之

敕突厥酋長子弟事東宮

酋慈由翻
長知兩翻

西臺舍

人徐齊聃上疏

聃他耐翻
上時掌翻

以為皇太子當引文學端良

之士真左右豈可使戎狄醜類入侍軒闥又奏齊獻公

即陛下外祖雖子孫有犯豈應上延祖禰今周忠孝公

廟甚修而齊獻公廟毀廢

齊獻公文德皇后父長孫晟
也周忠孝公皇后父武士彠

也禰乃
禮翻

不審陛下何以垂示海內彰孝理之風

孝理即
孝治避

上名改治為理

上皆從之齊聘充容之弟也

齊聘姊入宮為充容列於九嬪

夏四月吐蕃陷西域十八州又與于闐襲龜茲撥換城

陷之罷龜茲于闐焉耆疎勒四鎮

闐徒賢翻龜茲音丘慈

辛亥以

右衛大將軍薛仁貴為邏娑道行軍大總管

邏娑川吐蕃贊普牙

在焉有邏些城

左衛負外大將軍阿史那道真左衛將軍郭待

封副之以討吐蕃且援送吐谷渾還故地

庚午上幸

九成宮

高麗酋長劔牟岑反立高藏外孫安舜為主

以左監門大將軍高侃為東州道行軍總管

高麗在東時已列置

州府故曰東州
道監古街翻

發兵討之安舜殺劒牟岑奔新羅 六

月壬寅朔日有食之

秋八月丁巳車駕還京師 郭

待封先與薛仁貴並列及征吐蕃耻居其下仁貴所言

待封多違之軍至大非川

自鄯州鄯城縣西行三百餘里至大非川

將趣烏

海

烏海在漢哭山西隋屬河源郡界杜佑曰吐蕃國出鄯城五百里過烏海暮春之月山有積雪地有冷瘴

今人氣急不甚為害趣七喻翻

仁貴曰烏海險遠軍行甚難輜重自隨

難以趨利

重直用翻下同趣七喻翻

宜留二萬人為兩柵於大非嶺

上輜重悉置柵內吾屬帥輕銳倍道兼行掩其未備破

之必矣仁貴帥所部前行擊吐蕃於河口大破之

河口積石

河口也帥讀曰率

斬獲甚衆進屯烏海以俟待封待封不用仁

貴策將輜重徐進未至烏海遇吐蕃二十餘萬待封軍

大敗還走悉奔輜重仁貴退屯大非川吐蕃相論欽陵

將兵四十餘萬就擊之

將即亮翻下同杜佑曰祿東贊論欽陵本姓薛氏世為大論後

遂以官為氏大論吐蕃統理國事之官也相息亮翻

唐兵大敗死傷略盡仁貴待

封與阿史那道真並脫身免與欽陵約和而還

還音旋又如字

軟大司憲樂彥瑋即軍按其敗狀械送京師三人皆免

死除名欽陵祿東贊之子也

祿東贊事始一百九十五年卷太宗貞觀十四年與

弟贊婆悉多于勃倫皆有才畧祿東贊卒

卒子恤翻下氏卒同欽

陵代之三弟將兵居外鄰國畏之關中旱飢九月丁

丑詔以明年正月幸東都甲申皇后母魯國忠烈夫

人楊氏卒敕文武九品以上及外命婦並詣宅弔哭

閏月癸卯皇后以久旱請避位不許壬子加贈司徒

周忠孝公武士驥為太尉太原王夫人為王妃甲寅

以左相姜恪為涼州道行軍大總管以禦吐蕃冬十

月乙未太子右中護同東西臺三品趙仁本為左肅機


罷政事

龍朔二年改左右庶子為左右中護

庚寅詔官名皆復舊

改官名見

上卷龍朔二年按新書帝紀係十二月庚寅



資治通鑑卷二百一

欽定四庫全書

史部

資治通鑑卷二百三

詳校官修撰臣錢 蔡

洗馬臣王坦修覆勘

總校官知縣臣楊懋珩

校對官中書臣嵇承志

謄錄監生臣張元功

欽定四庫全書

資治通鑑卷三百二

宋司馬光撰

胡三省音註

唐紀十八

起重光協洽盡重光
大荒落凡十一年

高宗天皇大聖大弘孝皇帝中之下

咸亨二年春正月甲子幸東都

考異曰舊本紀及
太子弘傳正月乙巳

幸東都留太子弘於京師監國明年十月己未又云皇
太子監國新本紀唐歷統紀皆連歲言太子監國按雖
長安時已留太子監國及自東都將還豈得又令監
國按實錄此月無監國事唯明年十月有之今從之

夏四月甲申以西突厥阿史那都支為左驍衛大將軍

兼蜀延都督

顯慶二年平賀魯以處本昆部為蜀延都督府厥九勿翻驍堅亮翻蜀蒲北翻以

安集五咄陸之衆

咄當沒翻

初武元慶等既死

事見上卷乾封元年

皇后奏以其姊子賀蘭敏之為士驍之嗣

驍一號翻

襲爵周

公改姓武氏累遷弘文館學士左散騎常侍

太宗在藩於秦府置

文學館學士其後弘文崇文二館皆有學士散悉賈翻騎奇寄翻

魏國夫人之死也

亦見

乾封元年

上見敏之悲泣曰卿吾出視朝猶無恙退朝已不

救何倉猝如此

朝直遙翻

敏之號哭不對后聞之曰此兒疑

我由是惡之敏之貌美蒸於太原王妃及居妃喪釋哀

經奏妓

號戶高翻惡鳥路翻
哀倉曰翻妓渠綺翻

司衛少卿楊思儉女有殊

色上及后自選以為太子妃昏有日矣敏之逼而淫之

后於是表言敏之前後臯惡請加竄逐六月丙子敕流

雷州復其本姓至韶州以馬韁絞死

雷州漢徐聞縣地
梁置南合州隋曰

合州仍置海康縣大業廢州唐武德五年復置貞觀八
年改曰雷州韶州漢南野縣地吳孫皓甘露元年分立

始興郡唐武德初置番州貞觀元年改韶州舊志雷州
至京師六十五百四十七里至東都五千八百三十六

里韶州至京師四千九百三十二里至
東都四千一百四十二里韁居良翻朝士坐與敏之

交遊流嶺南者甚衆

朝直送翻

秋七月乙未朔高侃破高

麗餘衆於安市城

麗力知翻

九月丙申潞州長史徐王元

禮薨

冬十一月甲午朔日有食之

車駕自東都幸

許汝十二月癸酉校獵於葉縣

舊志東都至許州四百里至汝州百八十里葉

縣舊屬南陽郡後并省後齊置襄州後周廢州置南襄城郡隋廢郡為葉縣屬許州葉式涉翻

丙戌還

東都

三年春正月辛丑以太子左衛副率梁積壽為姚州道

行軍總管

太子十率府各有副率位四品率所律翻

將兵討叛蠻

將即亮翻

庚

戊昆明蠻十四姓二萬三千戶內附置殷敦總三州蠻

西有昆明蠻一日昆明蠻以西洱河為境即葉榆河也
去長安九千里殷州居戎州西北總州居西南敦州居

南遠不過五百餘里近三百里二月庚午徙吐谷渾於鄯州浩疊水

南漢書地理志浩疊水東至允吾入湟允吾唐為鄯州
龍支縣水經注浩疊河出允吾西北塞外東還浩疊

縣故城南又東流注于湟水俗呼為閭門河吐
從瞰入聲谷音浴鄯時戰翻浩音誥疊音門吐谷渾

畏吐蕃之彊不安其居又鄯州地狹尋徙靈州以其部

落置安樂州時以靈州鳴沙縣地
置安樂州樂音洛以可汗諾曷鉢為刺

吏可從列入吐谷渾故地皆入於吐蕃已卯侍中永

安郡公姜恪薨 夏四月庚午上幸合璧宮 吐蕃遣

其大臣仲琮入貢上問以吐蕃風俗對曰吐蕃地薄氣

寒風俗朴魯然法令嚴整上下一心議事常自下而起

因人所利而行之斯所以能持久也上詰以吞滅吐谷

渾

見上卷龍朔三年詰去吉翻

敗薛仁貴

見上卷咸亨元年敗蒲邁翻

寇逼涼州

事

吐蕃既滅吐谷渾又破西戎則寇逼涼州矣

對曰臣受命貢獻而已軍旅

之事非所聞也上厚賜而遣之癸未遣都水使者黃仁

素使于吐蕃

使疏吏翻

秋八月壬午特進高陽郡公許敬

宗卒

卒子恒制

太常博士袁思古議敬宗弃長子於荒徼

徼吉

弔

嫁少女於夷貊

少詩照翻 貊莫白翻

案謚法名與實爽曰繆請

謚為繆

繆靡幼翻

敬宗孫太子舍人彥伯訟思古與許氏有

怨請改謚太常博士王福時議

時音止

以為得失一朝榮

辱千載

太常博士擬謚皆跡其功行為之褒貶大行大名之小行小名之載于亥翻

若嫌隙

有實當據法推繩如其不然義不可奪戶部尚書戴至

德謂福時曰高陽公任遇如是何以謚之為繆對曰晉

司空何曾既忠且孝徒以日食萬錢秦秀謚之為繆

見八十卷晉武帝咸寧四年

許敬宗忠孝不逮於曾而飲食男女之

累過之

累力瑞翻

謚之曰繆無負許氏矣詔集五品已上更

議禮部尚書陽思敬議按謚法既過能改曰恭請謚曰

恭詔從之敬宗嘗奏流其子昂于嶺南又以女嫁蠻酋

馮盎之子多納其貨

酋慈由翻

故思古議及之福時勃之父

也

王勃見二百卷龍朔元年

九月癸卯徙沛王賢為雍王

雍於用翻

冬十月己未詔太子監國

監古銜翻

壬戌車駕發東都

十一月戊子朔日有食之

甲辰車駕至京師

十二

月高侃與高麗餘衆戰于白水山破之新羅遣兵救高麗侃擊破之 癸卯以左庶子劉仁軌同中書門下三

品 太子罕接宮臣典膳丞全椒邢文偉輒減所供膳

東宮典膳局郎正六品上丞正八品上掌進膳嘗食全椒縣時屬滁州 并上書諫太子太

子復書謝以多疾及入侍少暇嘉納其意上時頃之右

史缺上曰邢文偉事吾子能撤膳進諫此直士也擢為

右史起居舍人從六品上屬中書省掌修記言之史錄天子之制詰德音如記言之制以紀時政之損益

季終則授之於國 太子因宴集命宮臣擲倒唐散樂有

史龍朔改曰右史 舞盤伎舞

輪伎長躡伎跳鈴伎擲倒伎跳
劍伎吞劍伎皆梁之遺伎也

次至左奉裕率王及善

隋置太子內率府擬上臺千牛衛掌東宮千牛備
身侍奉之事龍朔改為左右奉裕率率所律翻

及善

曰擲倒自有伶官

伶盧經翻

臣若奉令恐非所以羽翼殿下

也太予謝之上聞之賜及善縑百匹尋遷左千牛衛將

軍

千牛刀即人主防身刀也取莊子庖丁言解千牛而
芒刃不減之義後魏有千牛備身掌宿衛侍從隋煬

帝置備身府
唐改千牛府

四年春正月丙辰絳州刺史鄭惠王元懿薨三月丙

申詔劉仁軌等改修國史以許敬宗等所記多不實故

也 夏四月丙子車駕幸九成宮 閏五月燕山道揔

管右領軍大將軍李謹行大破高麗叛者於瓠蘆河之

西

胡嶠曰黑車子之北有牛蹄突厥人牛足其地有寒水曰瓠蘆河夏秋水厚二尺秋冬水徹底常燒器

銷水乃得飲余按唐書劉仁軌傳此瓠蘆河當在高麗南界新羅七里城之北燕因肩翻下同俘獲數

千人餘衆皆犇新羅時謹行妻劉氏留伐奴城高麗引

靺鞨攻之劉氏襁甲帥衆守城久之虜退

靺鞨音末曷 襁音宦帥讀

曰上嘉其功封燕國夫人謹行靺鞨人突地稽之子也

突地稽見一百八十武力絕人為衆夷所憚 秋七月

九卷高祖武德四年

婺州大水溺死者五千人

婺亡遇翻溺奴狄翻

八月辛丑上以

瘡疾令太子於延福殿受諸司啓事

虐逆約翻

冬十月壬

午中書令閻立本薨

乙巳車駕還京師

十二月丙

午弓月疎勒二王來降

降戶江翻下同

西突厥興督亡可汗之

世諸部離散弓月及阿悉吉皆叛

阿悉吉即阿悉結弩失畢五俟斤之一也

蘇定方之西討也

見二百卷顯慶二年

擒阿悉吉以歸弓月南結

吐蕃北招咽麴

咽麴亦鐵勒種居得窺海咽於旬翻麴眠見翻

共攻疎勒降之

上遣鴻臚卿蕭嗣業發兵討之嗣業兵未至弓月懼與

疎勒皆入朝上赦其皐遣歸國

廬陵如翻
朝直遙翻

上元元年

是年八月
方改元

春正月壬午以左庶子同中書門

下三品劉仁軌為雞林道大摠管

帝以新羅國
為雞林州

衛尉卿

李弼右領軍大將軍李謹行副之發兵討新羅時新羅

王法敏既納高麗叛衆又據百濟故地使人守之上大

怒詔削法敏官爵其弟右驍衛負外大將軍臨海郡公

仁問在京師

號堅
亮翻

立以為新羅王使歸國 三月辛亥

朔日有食之 賀蘭敏之既得皐皇后奏召武元奭之

子承嗣於嶺南

乾封元年元與流振州

襲爵周公拜尚衣奉御

尚衣

奉御屬殿中省掌衣服詳其制度辯其名數

夏四月辛卯遷宗正卿

秋八

月壬辰追尊宣簡公為宣皇帝妣張氏為宣莊皇后懿

王為光皇帝妣賈氏為光懿皇后

後魏金門鎮將熙太祖虎之祖也謚宣簡

公魏僖主天賜太祖虎之父也謚懿王

太武皇帝為神堯皇帝太穆皇后

為太穆神皇后文皇帝為太宗文武聖皇帝文德皇后

為文德聖皇后皇帝稱天皇皇后稱天后以避先帝先

后之稱

實欲自尊而以避先帝先后之稱為言武后之意也之稱尺證翻

改元赦天下

戊戌敕文武官三品以上服紫金玉帶四品服深緋

金帶五品服淺緋金帶六品服深綠七品服淺綠並銀

帶八品服深青九品服淺青並礪石帶

鍤石似金而非金鍤託侯翻

庶人服黃銅鐵帶自非庶人不聽服黃

非庶人謂工商雜戶

九

月癸丑詔追復長孫晟長孫无忌官爵以无忌曾孫翼

襲爵趙公聽无忌喪歸陪葬昭陵

无忌削官爵而死見二百卷顯慶四年

甲寅上御翔鸞閣

據舊唐書郝處俊傳翔鸞閣在含元殿東唐六典含元殿翼以二閣左

曰翔鸞右曰棲鳳二閣之下為東西朝堂

觀大酺

酺薄胡翻

分音樂為東西朋使

雍王賢主東明周王顯主西朋角勝為樂郝處俊諫曰

二王春秋尚少志趣未定當推挈讓棗

梁元帝遺武陵王書有是言樂

晉洛少詩呂翻推吐雷翻

相親如一今分二朋遞相誇競俳優小人

言辭無度恐其交爭勝負譏誚失禮非所以崇禮義勸

敦睦也上瞿然曰

謂才笑翻瞿九遇翻驚視貌

卿遠識非衆人所及

也遽止之是日衛尉卿李弼暴卒于宴所為之廢酺一

日為子偽翻

冬十一月丙午朔車駕發京師己酉校獵華

山之曲武原

華山在華州華陰縣而曲武原在華山下華戶化翻

戊辰至東都

冀州錄事參軍張君澈等誣告刺史蔣王憚及其子汝

南郡王煒謀反

憚於粉翻
煒於鬼翻

敕通事舍人薛思貞馳傳往

按之

傳張
戀翻

十二月癸未憚惶懼自縊死

縊於
計翻

上知其非

罪深痛惜之斬君澈等四人 戊子于闐王伏闐雄來

朝

闐徒賢翻闐視遮
翻朝直遙翻下同

辛卯波斯王卑路斯來朝 壬

寅天后上表以為國家聖緒出自玄元皇帝

老子姓李
名耳唐祖

之乾封元年尊為玄元
皇帝上時掌翻下同

請令王公以下皆習老子每歲

明經準孝經論語策試又請自今父在為母服齊衰三

年

古禮父在為母服菽為子
偽翻齊音谷哀倉回翻

又京官八品以上宜量加

俸祿

京官在京官
也量音良

及其餘便宜合十二條詔書褒美皆

行之

是歲有劉曉者上疏論選

選須絹翻下同考異
口會要作劉曉今從

紀統

以為今選曹以檢勘為公道

檢勘者謂考其功過察
其假名承偽隱冒升降

書判為得人殊不知考其德行才能况書判借人者衆

矣又禮部取士專用文章為甲乙故天下之士皆捨德

行而趨文藝有朝登甲科而夕陷刑辟者雖日誦萬言

何關理體

理體即治道行下孟翻趨
七喻翻下同辟毗亦翻

文成七步未足化

人况盡心卉木之間極筆烟霞之際以斯成俗豈非大
謬夫人之慕名如水趨下上有所好下必甚焉陛下若
取士以德行為先文藝為末則多士雷奔四方風動矣
趨七喻翻好呼
到翻下隣好同

二年春正月丙寅以于闐國為毗沙都督府分其境內
為十州以于闐王尉遲伏闐雄為毗沙都督闐徒賢翻
又徒見翻

尉紆勿翻
闐視遮翻

辛未吐蕃遣其大臣論吐渾彌來請和且

請與吐谷渾復修鄰好

吐從瞰入聲下同
復扶又翻谷音浴

上不許 二

月劉仁軌大破新羅之衆於七重城

重音直龍翻

又使靺鞨

浮海略新羅之南境斬獲甚衆仁軌引兵還

靺音木鞨音曷還從

宣翻又音如字

詔以李謹行為安東鎮撫大使

使疏吏翻下同

屯新羅

之買肖城以經略之三戰皆捷新羅乃遣使入貢且謝

罪上赦之復新羅王法敏官爵金仁問中道而還

使疏吏翻

還音旋又如字

改封臨海郡公

三月丁巳太后祀先蠶於邱

山之陽

漢儀三月桑始生皇后親桑於苑中蠶室養蠶十薄以上祠以中牢羊豕續漢志三月皇后帥

公卿諸侯夫人蠶祠先蠶禮以少牢注云今蠶神曰苑疏婦人寓氏公主唐制皇后歲祀一季春吉巳享先蠶

遂以親桑蜀注曰
通典先蠶天駟也

百官及朝集使皆陪位

朝直遙
翻下同

上

苦風眩甚議使天后攝知國政中書侍郎同三品郝處

俊曰天子理外后理內天之道也

記晉義曰天子聽男
教后聽女順天子理

陽道后治陰德天子聽外治后聽內職教
順成俗外內和順國家理治此之謂盛德

昔魏文著令

雖有幼主不許皇后臨朝所以杜禍亂之萌也

事見六
十九卷

魏文帝黃
初三年

陛下奈何以高祖太宗之天下不傳之子孫

而委之天后乎中書侍郎昌樂李義琰曰處俊之言至

忠陛下宜聽之

樂音
洛

上乃止

天后多引文學之士著

作郎元萬頃

唐著作郎從五品上掌修撰碑誌祝文祭文屬秘書省

左史劉禕之

等

龍朔改起居郎為左史

使之撰列女傳臣軌百僚新戒樂書凡

千餘卷

撰士免翻

朝廷奏議及百司表疏時密令參決以分

宰相之權

疏所去翻

時人謂之北門學士

不從南衙於北門出入故云然

禕

之子翼之子也

劉子翼仕隋以學行著

夏四月庚辰以司農少

卿韋弘機為司農卿弘機兼知東都營田受詔完葺宮

苑有宦者於苑中犯法弘機杖之然後奏聞上以為能

賜絹數十匹曰更有犯者卿即杖之不必奏也 初左

千牛將軍長安趙瓌尚高祖女常樂公主生女為周王

顯妃公主頗為上所厚天后惡之

樂音洛惡鳥路翻

辛巳妃坐

廢幽閉於內侍省食料給生者防人候其突烟而已數

日烟不出開視死腐矣瓌自定州刺史貶枯州刺史令

公主隨之官仍絕其朝謁

朝直遙翻

太子弘仁孝謙謹上

甚愛之禮接士大夫中外屬心

屬之欲翻

天后方逞其志太

子奏請數逆旨

逆也數所角翻逆五故翻

由是失愛於天后義陽

宣城二公主蕭淑妃之女也坐母得罪幽于掖庭年踰

三十不嫁太子見之驚惻遽奏請出降上許之天后怒

即日以公主配當上翊衛權毅王遂古

親勲翊三衛皆當上上時掌翊

己亥太子薨于合璧宮時人以為天后酖之也

曰新書考異

本紀云己亥天后殺皇太子新傳云后將逞志弘奏請數拂旨從幸合璧宮遇酖薨唐歷云弘仁孝英果深為上所鍾愛自升為太子敬禮大臣鴻儒之士未嘗居有過之地以請嫁二公主失愛於天后不以壽終實錄舊傳皆不言弘遇酖按李泌對肅宗云高宗有八子睿宗最幼天后所生四子自為行第故睿宗第四長曰孝敬皇帝為太子監國仁明孝悌天后方圖臨朝乃酖殺孝敬立雍王賢為太子新書蓋據此及唐歷也按弘之死其事不明今但云時人以壬寅車駕還洛陽宮五月戊為天后酖之也疑以傳疑

申下詔朕方欲禪位皇太子而疾遽不起宜申往命加

以尊名可謚為孝敬皇帝

帝子謚皇帝始此謚神至翻

六月戊寅立

雍王賢為皇太子赦天下

雍於用翻

天后惡慈州刺史杞

王上金

宋白曰慈州春秋屬咎如之國漢為北屈縣隋為汾州唐武德元年為西汾州五年改南汾州

貞觀八年改南汾州為慈州以州近慈烏戌故名孫恂

曰因慈氏縣名之上金帝後宮劉氏所生惡烏路翻

有司希旨奏其臯秋七月上金坐解官澧州安置 八

月庚寅葬孝敬皇帝于恭陵

恭陵在洛州緱氏縣懷來山改名太平山

戊

戌以戴至德為右僕射庚子以劉仁軌為左僕射並同

中書門下三品如故張文瓘為侍中郝處俊為中書令

李敬玄為吏部尚書兼左庶子同中書門下三品如故

劉仁軌戴至德更日受牒訴尚辰羊翻仁軌常以美言

許之至德必據理難詰難乃旦翻未嘗與奪實有冤結

者密為奏辯偽翻由是時譽皆歸仁軌或問其故至德

曰威福者人主之柄人臣安得盜取之上聞深重之有

老嫗欲詣仁軌陳牒誤詣至德至德覽之未終嫗曰本

謂是解事僕射乃不解事僕射邪嫗威遇翻歸我牒至

解戶買翻

德笑而授之時人稱其長者

長知兩翻

文瓘時兼大理卿囚

聞改官皆慟哭文瓘性嚴正諸司奏議多所糾駁上甚

委之

駁比角翻

儀鳳元年

是年十一月方改元

春正月壬戌徙冀王輪為相王

納州獠反

唐制儀鳳二年開山洞置納州屬廬州都督府獠魯皓翻

敕黔州都督發

兵討之

黔音琴

二月甲戌徙安東都護府於遼東故城

考異曰實錄咸亨元年楊昉高侃討安舜始拔安東都護府自平壤城移於遼東州儀鳳元年二月甲戌以

言移府者終言之也儀鳳元年言高麗反者本其所以

移也會要無咸亨元年移府事
此年云移於遼東故城今從之
先是有華人任東官者

悉罷之
先悉
薦翻
徙熊津都督府於建安故城其百濟戶口

先徙於徐兗等州者皆置於建安天后勸上封中嶽癸

未詔以今冬有事于嵩山
中嶽嵩山在河南陽城縣
丁亥上幸汝

州之溫湯
汝州梁縣西南五十里有溫湯可
以熟米又有黃女湯帝置溫泉頓
三月癸

卯黃門侍郎來恒中書侍郎薛元超並同中書門下三

品恒濟之兄元超收之子也
來濟盡忠而又死於封疆
薛收事太宗於潛蹤恒戶

登
甲辰上還東都
還從宣翻
又音如字
閏月吐蕃寇鄯廓河

芳等州

宋白曰疊州常芬縣舊為吐谷渾所據周武成三年逐諸羌始有其地乃於三交築城置甘松

防又為三州縣以隸常香郡建德三年改三川為常芬縣仍立芳州以邑隸焉取地多芳草以名州隋廢州唐

復置吐從敝入聲鄰時戰翻

敕左監門衛中郎將令狐智通發興鳳

等州兵以禦之

興州漢武都沮縣地後魏改為略陽縣江左為武興藩王國後魏以為武興郡

置興州改略陽縣為順政縣鳳州漢故道河池縣地晉為仇池氏所據後魏置梁泉縣西魏廢帝置鳳州鄯時

戰翻監古街翻將即亮翻

已卯詔以吐蕃犯塞停封中嶽乙酉以洛

州牧周王顯為洮州道行軍元帥將工部尚書劉審禮

等十二摠管并州大都督樞王輪為涼州道行軍元帥

將左衛大將軍契苾何力等以討吐蕃

洮土刀翻帥所類翻將即亮翻

并卑經翻契敗訖翻必毗必翻

二王皆不行

庚寅車駕西還

甲寅

中書侍郎李義琰同中書門下三品

戊午車駕至九

成宮

六月癸亥黃門侍郎晉陵高智周同中書門下

三品

秋八月乙未吐蕃寇疊州

壬寅敕桂廣交黔

等都督府比來注擬土人簡擇未精自今每四年遣五

品已上清正官充使仍令御史同往往注擬時人謂之南

選

黔音琴比毗至翻使疏吏翻令力丁翻選須綸翻

九月壬申大理奏左威

衛大將軍權善才左監門中郎將范懷義誤斫昭陵柏

臯當除名

監古街翻
將即亮翻

上特命殺之大理丞太原狄仁傑

奏二人臯不當死

太原漢晉陽縣隋改為太原縣而以
後齊所置龍山縣為晉陽縣並帶并

州上曰善才等斫陵柏我不殺則為不孝仁傑固執不

已上作色令出仁傑曰犯顏直諫自古以為難臣以為

遇桀紂則難遇堯舜則易

易以
鼓翻

今法不至死而陛下特

殺之是法不信於人也人何所措其手足且張釋之有

言設有盜長陵一抔土陛下何以處之

釋之言見十四
卷漢文帝三年

杯薄侯翻
處昌呂翻

今以一株柏殺二將軍後代謂陛下為何如

矣臣不敢奉詔者恐陷陛下於不道且羞見釋之於地
下故也上怒稍解二人除名流嶺南後數日擢仁傑為

侍御史初仁傑為并州法曹同僚鄭崇質當使絕域

使疏

吏翻

崇質母老且病仁傑曰彼母如此豈可使之有萬里

之憂詣長史蘭仁基請代之行

長知兩翻
蘭良刃翻

仁基素與司

馬李孝廉不叶因相謂曰吾輩豈可不自愧乎遂相與

輯睦 冬十月車駕還京師

還從宣翻
又音如字

丁酉祿享太

廟用太學博士史璨議禘後三年而禘禘後二年而禘

歐陽脩曰禘禘大祭也禘以昭穆合食於太祖而禘以審諦其尊卑此禘禘之義而為禮者失之至於年數不同祖宗失位議者莫知所從禮曰三年一禘五年一禘傳曰五年再殷祭高宗上元三年十月當禘而有司議其年數史璨等議以為新君喪畢而禘明年而禘自是之後五年而再祭蓋後禘去前禘五年而禘常在禘後三年禘常在禘後二年魯宣公八年禘僖公蓋三年喪畢而禘明年而禘至八年而再禘昭公二十年禘至二十五年又禘此可知也時以其言有經據遂從之唐制國子博士正五品上掌教文武官二品已上國公子孫二品已上曾孫為生者太學博士正六品上掌教文武官五品已上即縣公子孫從三品曾孫之為生者禘胡夾翻璨倉按翻禘大計翻

郇王素節蕭淑妃之子也 郇音 警敏好

學天后惡之

好呼到翻
惡烏路翻

自岐州刺史左遷申州刺史

申州

漢平氏郡縣地晉分置義陽郡南齊置司州後魏改郢州後周改申州隋改義州唐復曰申州岐州在京師西三百十五里至東都一千一百七十里申州至京師一千七百九十六里東都九百四十三里

乾封初

敕曰素節既有舊疾不須入朝

朝直
遙翻

而素節實無疾自

以久不得入覲乃著忠孝論王府倉曹參軍張柬之因

使潛封其論以進后見之誣以贓賄丙午降封鄱陽王

袁州安置

東之封論以進欲以感動帝心豈知適所以速素節之罪乎袁州在京師東南三千五百

八十里至東都二千一百六十一里

十一月壬申改元赦天下

庚寅

以李敬玄為中書令 十二月戊午以來恒為河南道

大使薛元超為河北道大使尚書左丞鄔陵崔知悌國

子司業鄭祖玄為江南道大使

隋大業三年始置國子司業唐從四品下所職

與祭酒同使疏吏翻鄔謁晚翻又於達翻又音偃

分道巡撫

二年春正月乙亥上耕籍田 初劉仁軌引兵自熊津

還

見上麟德二年

扶餘隆畏新羅之逼不敢留尋亦還朝

朝直遙翻

二月丁巳以工部尚書高藏為遼東州都督封朝鮮王

朝鮮音潮鮮音仙

遣歸遼東安輯高麗餘衆高麗先在諸州者皆

遣與藏俱歸又以司農卿扶餘隆為熊津都督封帶方

王亦遣歸安輯百濟餘衆仍移安東都護府於新城以

統之

去年春移安東都護府於遼東故城今又移於新城統他綜翻

時百濟荒殘命隆

寓居高麗之境藏至遼東謀叛潛與靺鞨通召還徙耶

州而死

麗力知翻還從宣翻又音如字靺鞨音末曷印渠容翻

散徙其人於河南

隴右諸州貧者畱安東城傍高麗舊城沒於新羅餘衆

散入靺鞨及突厥

厥九勿翻

隆亦竟不敢還故地高氏扶餘

氏遂亡三月癸亥朔以郝處俊高智周並為左庶子

李義琰為右庶子

郝呼各翻處昌呂翻唐制東宮左右庶子各二員

夏四月左

庶子張大安同中書門下三品大安公謹之子也

張公謹太

宋朝功臣

詔以河南北旱遣御史中丞崔謚等分道存問

賑給侍御史寧陵劉思立上疏

寧陵縣漢屬陳留郡曹魏至元魏屬譙郡後齊

廢隋開皇六年復置屬宋州賑津忍翻上時掌翻疏所據翻

以為今麥秀蠶老農事

方殷敕使撫巡人皆竦抃忘其家業冀此天恩聚集參

迎妨廢不少

使疏吏翻少詩沼翻

既緣賑給須立簿書本欲安存

更成煩擾望且委州縣賑給待秋務閑出使褒貶疏奏

謚等遂不行

使疏吏翻

五月吐蕃寇扶州之臨河鎮擒鎮

將杜孝昇令齎書說松州都督武居寂使降孝昇固執

不從吐蕃軍還捨孝昇而去孝昇復帥餘衆拒守

吐從

聲將即亮翻說輸為翻降戶江翻復扶又翻帥讀曰率

詔以孝昇為遊擊將軍

晉官

品令游擊將軍第

秋八月徙周王顯為英王更名哲

更工衡翻

命劉仁軌鎮洮河軍

鄯州城內有臨洮軍洮土力翻

冬十二月

乙卯詔大發兵討吐蕃

詔以顯慶新禮多不師古

顯慶

三年行新禮見二百卷

其五禮並依周禮行事自是禮官益無憑

守每有大禮臨時撰定

撰士
免翻

三年春正月辛酉百官及蠻夷酋長朝天后于光順門

酋慈由翻長知
兩翻朝直遙翻

劉仁軌鎮洮河每有奏請多為李敬

玄所抑由是怨之仁軌知敬玄非將帥才欲中傷之

仁軌

以私怨奏用敬玄以至敗國殄民矯情以容衆異武挾
怨以陷李敬玄得為賢乎將即亮翻帥所類翻中竹仲

翻奏言西邊鎮守非敬玄不可敬玄固辭上曰仁軌須

朕朕亦自往卿安得辭丙子以敬玄代仁軌為洮河道

大總管兼安撫大使仍檢校鄯州都督

使疏吏翻鄯時
戰翻考異曰

實錄云與仁軌相知鎮守而敬玄之敗仁軌不預新舊傳皆云以代仁軌今從之

又命益州大

都督府長史李孝逸等發劍南山南兵以赴之孝逸神

通之子也

淮安王神通

癸未遣金吾將軍曹懷舜等分往河

南北募猛士不問布衣及仕宦夏四月戊申赦天下

改來年元為通乾五月壬戌上幸九成宮丙寅山中

雨大寒從兵有凍死者

從音才用翻

秋七月李敬玄奏破

吐蕃於龍支

龍支縣屬鄯州漢允吾縣地後漢改為龍支積石舊縣後魏改為金城縣又改為龍支積石

山在今縣南

上初即位不忍觀破陳樂命撤之辛酉太常

少卿韋萬石奏久寢不作恩成廢缺請自今大宴會復

奏之上從之

陳讀曰陣少詩照翻復扶又翻又如字

九月辛酉車駕還

京師

上將發兵討新羅侍中張文瓘臥疾在家自輿

入見

見賢通翻

諫曰今吐蕃為寇方發兵西討新羅雖云不

順未嘗犯邊若又東征臣恐公私不勝其弊上乃止

勝音

升癸亥文瓘薨

丙寅李敬玄將兵十八萬與吐蕃將

論欽陵戰於青海之上

將即亮翻下同

兵敗工部尚書右衛大

將軍彭城僖公劉審禮為吐蕃所虜

謚法剛克曰僖又小心畏忌曰僖又

戴記有伐時審禮將前軍深入頓于濠所為虜所攻敬

有還曰僖玄儒怯按兵不救聞審禮戰沒狼狽還走頓于承風嶺

杜佑曰承風嶺在鄆州廣威縣西南東北去鄆州三百一十三里故吐谷渾界阻泥溝以自固

虜屯兵高崗以壓之左領軍負外將軍黑齒常之夜帥

敢死之士五百人襲擊虜營虜衆潰亂其將跋地設引

兵遁去

帥讀曰率將即亮翻

敬玄乃收餘衆還鄆州

野僉載曰朝

書令李敬玄為元帥吐蕃至樹敦城聞劉尚書沒蕃者

不取太過今審禮諸子自縛詣闕請入吐蕃贖其父敕聽次

予易從詣吐蕃省之比至審禮已病卒

易以跋翻省悉景翻比必利翻

卒子恤翻

考異曰新本紀審禮死之按舊傳

永隆二年審禮卒于蕃中新紀誤也今終言之

易從畫

夜號哭不絕聲

號戶高翻

吐蕃哀之還其尸易從徒跣負之

以歸上嘉黑齒常之之功擢拜左武衛將軍充河源軍

副使

杜佑曰河源軍在鄯州西一百二十里使疏吏翻下同

李敬玄之西征也監

察御史原武婁師德應猛士詔從軍

時詔募猛士討吐蕃師德應募從軍

監古街翻

及敗敕師德收集散亡軍乃復振

復扶又翻又如字

因命

使于吐蕃吐蕃將論贊婆迎之赤嶺

宋白曰石堡城西三十里有山土石

皆赤北接大山南連小雪山號曰赤嶺去長安三千五百里自鄠州鄠城縣西行二百里至赤嶺將即亮翻

師德宣導上意諭以禍福贊婆甚悅為之數年不犯邊

為子偽翻師德遷殿中侍御史充河源軍司馬考異曰御史臺記充河源

軍使今從舊傳兼知營田事上以吐蕃為憂悉召侍臣謀之或

欲和親以息民或欲嚴設守備俟公私富實而討之或

欲亟發兵擊之議竟不決賜食而遣之大學生宋城魏

元忠上封事宋城縣帶宋州舊睢陽縣也隋開皇十八年更名上時掌翻言禦吐蕃

之策以為理國之要在文與武今言文者則以辭華為

首而不及經綸言武者則以騎射為先而不及方略

奇騎

寄翻

是皆何益於理亂哉故陸機著辨亡之論無救河橋

之敗

陸機痛吳之亡著辨亡論迹吳之所以興及其所以亡其論甚悉河橋之敗見八十五卷晉惠帝太

安二

養由基射穿七札不濟鄆陵之師

左傳晉楚遇於鄆陵楚大夫養

由基淹黨蹲甲而射之徹七札焉以示楚共王曰君有

二臣何憂於戰王怒曰大辱國詰朝爾射死藝及戰楚

師敗績杜預

此已然之明效也古語有之人無常俗政

曰濟益也

有理亂兵無彊弱將有巧拙故選將當以智略為本勇

力為末今朝廷用人類取將門子弟及死事之家

將即亮翻

同彼皆庸人豈足當閫外之任李左車陳湯呂蒙孟觀

皆出貧賤而立殊功

李左車見十卷漢高帝三年陳湯見二十九卷元帝建昭三年呂蒙

見獻帝紀六十五卷至六十八卷孟觀見八十三卷晉惠帝元康九年

未聞其家代為將

也夫賞罰者軍國之切務苟有功不賞有罪不誅雖堯

舜不能以致理議者皆云近日征伐虛有賞格而無事

實蓋由小才之吏不知大體徒惜勲庸恐虛倉庫不知

士不用命所損幾何黔首雖微不可欺罔豈得懸不信

之令設虛賞之料而望其立功乎自蘇定方征遼東

見二

百卷龍朔
元年二年

李勣破平壤

見上卷總章元年

賞絕不行勳仍淹滯

不聞斬一臺郎戮一令史以謝勳人

尚書謂曹郎皆謂之臺郎勳轉淹滯

則司勳之責耳司勳令史三十三人

大非川之敗薛仁貴郭待封等不即

重誅

見上卷咸亨元年即就也

鄒使早誅仁貴等則自餘諸將豈敢

失利於後哉臣恐吐蕃之平非旦夕可冀也又出師之

要全資馬力臣請開畜馬之禁使百姓皆得畜馬

畜吁玉翻

若官軍大舉委州縣長吏以官錢增價市之則皆為官

有彼胡虜恃馬力以為彊若聽人間市而畜之乃是損

彼之疆為中國之利也先是禁百姓畜馬

長知兩翻畜吁玉翻先悉

薦故元忠言之上善其言召見令直中書省仗內供奉

翻 仗內供奉朝會得隨百官入見

冬十月丙午徐州刺史密貞王元曉

薨十一月壬子黃門侍郎同中書門下三品來恒薨

恒戶登翻

十二月詔停來年通乾之號以反語不善故也

通乾反語為天窮

調露元年

按會要是年六月十三日方改元調露

春正月己酉上幸東都

司農卿韋弘機作宿羽高山上陽等宮

按六典宿羽高山二宮皆在東

都禁苑中 制度壯麗上陽宮臨洛水為長廊亘一里宮成上

徙御之侍御史狄仁傑劾奏弘機導上為奢泰弘機坐

免官

劾戶槩翻又戶得翻考異曰舊傳云儀鳳中機坐家人犯盜為憲司所劾免官狄仁傑傳云時司

農卿韋機兼領將作少府造宿羽高山上陽等宮莫不壯麗仁傑奏其太過機竟坐免官統紀云駕幸東都上

遊韋弘機所造宿羽高山等宮乘高臨深有登眺之美乃即敕弘機造高館及成臨幸即上陽宮也今據實錄

營宮在前左司郎中王本立隋煬帝大業三年尚書都司始置左右司郎各一人掌都省之

職唐置左右司郎中各掌付十有二司之事以舉正措違省置待目恃恩用事朝廷畏之

仁傑奏其奸請付法司上特原之仁傑曰國家雖乏英

才豈少本立革

少詩
呂翻

陛下何惜罪人以虧王法必欲曲

赦本立請弃臣於無人之境為忠貞將來之戒本立竟

得罪

考異曰御史臺記曰狄仁傑以司農發太原運
句會欠米萬餘斛高宗怒曰仁傑偷我米命殺之

吏部侍郎魏玄同曰仁傑健而疎只是句當失所臣委
知不偷請以官爵保明高宗意解仁傑不坐案仁傑傳

未嘗為司
農今不取

由是朝廷肅然 庚戌右僕射太子賓客道

恭公戴至德薨

道古國名左傳之江黃道拓是也顯慶
元年始置太子賓客四員正三品掌侍

從規諫贊相禮儀謚
法尊賢讓善曰恭

二月壬戌吐蕃贊普卒子器弩

悉弄立生八年矣時器弩悉弄與其舅彌薩若詣羊同

發兵

羊同西戎國名宋祈載劉元鼎之言曰黃河上流由洪濟橋西南行二十里水益狹春可涉秋夏乃

勝丹其南三百里三山中高而四下曰紫山直大羊同國古所謂崑崙者也虜曰閭摩黎山東距長安五千里河源出其間唐會要曰大羊同國東接吐蕃西接小羊同北直于闐東西十里薩桑割翻有弟生六

年在論欽陵軍中國人畏欽陵之彊欲立之欽陵不可

與薩若共立器弩悉弄上聞贊普卒命裴行儉乘間圖

之

辛子恤翻
間古覓翻

行儉曰欽陵為政大臣輯睦未可圖也乃

止夏四月辛酉郝處俊為侍中偃師人明崇儼以

符呪幻術為上及天后所重

呪職救翻
幻戶辨翻

官至正諫大夫

五月壬午崇儼為盜所殺求賊竟不得

臺記鄭仁恭本

崇陽人也自監察累遷刑部郎中儀鳳中明崇儼以奇術承恩寵夜遇刺客殺三司丞推鞠妄承引連坐者甚眾高宗怒促有司行刑仁恭奏曰此輩必死之囚願假其數日之命高宗曰卿以為枉邪仁恭曰臣識慮淺短非的以為枉恐萬一非實則怨氣生遂緩之旬餘果獲賊矣朝廷稱之今從實錄

贈崇儼侍中

丙戌命太子監國

監古

太子處事明審

處昌

時人稱

之 戊戌作紫桂宮於澠池之西

紫桂宮在澠池之西五里澠彌究翻

六月辛亥赦天下改元

初西突厥十姓可汗阿史那

都支及其別帥李遮旬與吐蕃連和侵逼安西

帥所類翻旬蒲

北朝議欲發兵討之吏部侍郎裴行儉曰吐蕃為寇審

禮覆沒干戈未息豈可復出師西方今波斯王卒其子

泥洹師為質在京師

波斯為大食所滅其王卑路斯入朝授武衛將軍而死其子為質在京師

京師朝直遙翻復扶又翻卒子恆翻洹戶官翻質音致

從統紀

宜遣使者送歸國

使疏

道過二虜以便宜取之

可不血刃而擒也上從之命行儉冊立波斯王

過工未

異曰波斯王卑路斯入朝未還請遣使送歸今從寶錄唐厯統紀舊傳

仍為安撫大食使

行儉奏肅州刺史王方翼以為已副仍令檢校安西都

護使疏吏翻
令力丁翻

秋七月己卯朔詔以今年冬至有事于

嵩山 初裴行儉嘗為西州長史

見一百九十九卷永徽五年長知兩翻

及奉使過西州吏人郊迎行儉悉召其豪傑子弟千餘

人自隨且揚言天時方熱未可涉遠須稍涼乃西上上時

掌翻阿史那都支覘知之遂不設備覘又丑廉翻行儉徐召

四鎮諸胡酋長四鎮龜茲毗沙馬耆跋勒謂曰昔在西

州縱獵甚樂樂音洛今欲尋舊賞誰能從吾獵者諸胡子

弟爭請從行近得萬人行儉陽為畋獵校勒部伍校古効翻

數日遂倍道西進去都支部落十餘里先遣都支所親

問其安否外示閒暇似非討襲續使促召相見都支先

與李遮蔔約秋中拒漢使

漢家威加四夷故夷人率謂中國人為漢人猶漢時匈奴

謂漢人為秦人也使疏吏翻下同

猝聞軍至計無所出帥其子弟迎謁

遂擒之

帥讀曰率

因傳其契箭悉召諸部酋長

夷狄無符信以箭為契信

西突厥沙鉢咥利失可汗分其國為十部部以一人統之人授一箭號十設亦曰十箭左五咄陸部置五大噉

居碎葉東右五弩失畢部置五大俱斤居碎葉西

執送碎葉城簡其精騎輕齎

晝夜進掩遮蔔途中獲都支還使與遮蔔使者同來行

倭釋遮匭使者使先往諭遮匭以都支已就擒遮匭亦

降

騎奇寄翻齋則今翻
匭蒲北翻降戶江翻

於是因都支遮匭以歸遣波斯

王自還其國留王方翼於安西使築碎葉城

碎葉城焉
耆都督府

治所也方翼築四面十二
門為屈曲隱出伏沒之狀

冬十月單于大都護府突

厥阿史德溫傳奉職二部俱反

阿史德姓也溫傳其名
奉職亦一部酋長之名

單音蟬厥
九勿翻

立阿史那泥熟匭為可汗二十四州酋長皆

叛應之衆數十萬

置二十四州見一百
九十九卷永徽元年

遣鴻臚卿單于

大都護府長史蕭嗣業右領軍衛將軍花大智

何承天
姓苑有

花姓廬陵如翻單音蟬
長知兩翻嗣祥吏翻

右千牛衛將軍李景嘉等將兵

討之

將兵即亮翻
又音如字

嗣業等先戰屢捷因不設備會大雪

突厥夜襲其營嗣業狼狽拔營走衆遂大亂為虜所敗

死者不可勝數

厥九勿翻敗蒲
邁翻勝音升

大智景嘉引步兵且行

且戰得入單于都護府嗣業減死流桂州大智景嘉並

免官突厥寇定州刺史霍王元軌命開門偃旗虜疑有

伏恩而宵遁州人李嘉運與虜通謀事洩

洩恩
列翻

上令元

軌窮其黨與元軌曰彊寇在境人心不安若多所逮繫

是驅之使叛也乃獨殺嘉運餘無所問因自劾違制上

覽表大喜謂使者曰朕亦悔之向無王失定州矣

劾戶

又戶得翻
使疏吏翻

自是朝廷有大事上多密敕問之

朝直

士

子遣左金吾衛將軍曹懷舜屯井陘

井陘縣漢晉後魏皆屬常山郡唐屬

恒州陘
音刑

右武衛將軍崔獻屯龍門以備突厥突厥扇誘

奚契丹侵掠營州

誘羊久翻契欺
訖翻又音契

都督周道務遣戶曹

始平唐休璟將兵擊破之

曹魏置始平縣晉武帝置始平郡後魏廢郡以縣屬扶風

隋唐屬
雍州

庚申詔以突厥背誕罷封嵩山

背蒲
妹翻

癸亥

吐蕃文成公主遣其大臣論塞調傍來告喪并請和親

上遣郎將宋令文詣吐蕃會贊普之葬

將即亮翻
下管將同

十

一月戊寅朔以太子左庶子同中書門下三品高智周
為御史大夫罷知政事 癸未上宴裴行儉謂之曰卿

有文武兼資今授卿二職乃除禮部尚書兼檢校右衛
大將軍甲辰以行儉為定襄道行軍大總管將兵十八

萬并西軍檢校豐州都督程務挺東軍幽州都督李文

暕

暕古
限翻

總三十餘萬以討突厥並受行儉節度務挺名

振之子也

程名振為將著功名於貞觀永徽之間

永隆元年

按會要是年八月二十三日改元永隆

春二月癸丑上幸汝州

之溫湯戊午幸嵩山處士三原田遊巖所居

處昌呂翻已未

幸道士宗城潘師正所居

考異曰舊傳師正趙州贊皇人今從實錄

上及

天后太子皆拜之

史言帝崇信異端

乙丑還東都三月裴行

儉大破突厥于黑山

黑山一名殺胡山在豐州中受降城正北如東八十里亦謂之呼延

禽其酋長奉職

絕句

可汗泥熟匐為其下所殺以其首

來降

降戶江翻

初行儉行至朔川

考異曰舊傳作朔州今依實錄及統紀余按唐

朔州治善陽縣漢定襄縣地單于府治金河縣漢雲中郡城也自朔州至單于府三百五十七里以裴行儉軍行次舍考之先至朔州而後至單于府北則舊傳朔州為是謂其下曰用兵之道撫

士貴誠制敵貴詐前日蕭嗣業糧運為突厥所掠士卒

凍餒故敗今突厥必復為此謀

復扶又翻下復為可復同

宜有以詐

之乃詐為糧車三百乘每車伏壯士五人各持陌刀勁

弩

陌刀大刀也一舉刀可殺數人唐六典曰陌刀長刀也步兵所持蓋古之斬馬劍釋名曰弩怒也有怒勢

也其柄曰臂似人臂也鈎弦者曰牙似牙齒也牙外曰郭為牙之規郭也合名之曰機言如機之巧也亦言如門戶樞機開闔有節也乘繩證翻以羸兵數百為之援羸倫且伏精兵

於險要以待之虜果至羸兵奔車散走虜驅車就水中

解鞍牧馬欲取糧壯士自車中躍出擊之虜驚走復為

伏兵所邀殺獲殆盡自是糧運行者虜莫敢近

近其軍新翻

至單于府比抵暮下營掘澁已周

掘其月翻
壘七艷翻

行儉遽命

移就高岡諸將皆言士卒已安堵不可復動行儉不從

趣使移

趣讀
曰促

是夜風雨暴至前所營地水深丈餘

深式
禁翻

諸將驚服問其故行儉笑曰自今但從我命不必問其

所由知也奉職既就禽餘黨走保狼山

狼山歌邏祿右
廂部落所居也

永徽元年置狼山州屬雲中都護府

詔戶部尚書崔知悌馳傳詣定襄宣

慰將士且區處餘寇

傳知戀翻處昌呂翻

行儉引軍還夏四月

乙丑上幸紫桂宮

戊辰黃門侍郎聞喜裴炎崔知溫

聞喜縣漢屬河東郡隋以漢聞喜縣為絳縣以漢絳縣為曲沃縣以桐鄉置聞喜縣尋改為桐鄉縣武德元年復曰聞喜中書侍郎京兆王德真並同中書門下三品

屬絳州

知溫知悌之弟也

秋七月吐蕃寇河源左武衛將軍

黑齒常之擊却之

考異曰實錄吐蕃大將贊婆及素和賁等帥衆三萬進寇河源屯兵于

良非川辛巳河西鎮撫大使李敬玄統衆與賊戰于湟川官軍敗績副使左武衛將軍黑齒常之帥精騎三千

反襲賊營殺獲二千餘級贊婆等遂退權常之為河源
軍經略大使詔敬玄留鎮鄯州以為之援按儀鳳三年
九月敬玄已與吐蕃戰敗于青海常之夜襲虜營賊乃
退與此事頗相類舊唐書敬玄傳止一敗無再敗常之傳
儀鳳中從敬玄擊吐蕃走跋地設克河源軍副使時贊
婆等屯良非川常之夜襲賊營走之權為大使事似同
時新書敬玄傳戰青海又戰湟川凡再敗常之傳儀鳳
三年襲跋地設調露中襲贊婆唐厯統紀皆無今年敬
玄敗事又實錄今年八月丁巳敬玄敗衡州刺史辛巳
至丁巳纔三十七日賁眈皇華四達記自長安至鄯州
約一千七百餘里時高宗又在東都若敬玄敗後累表
稱疾得報乃來至東都必數日乃敗非三十七日之內
所能容也今略去敬玄湟川敗事但云吐蕃寇河源常
之擊却之而已今按劉昫唐書地理志鄯州在京師西
一千九百
一十三里
權常之為河源軍經略大使常之以河源衝

要欲加兵戍之而轉輸險遠乃廣置烽戍七十餘所開屯田五千餘頃歲收五百餘萬石由是戰守有備焉先

是劍南募兵於茂州西南築安戎城以斷吐蕃通蠻之

路宋白曰茂州本冉駹之國漢開為汶山郡華陽國志云宣帝地節三年武都白馬羌反使駱武平定之汶

山吏民詣武自訟一歲再度更賦至重邊人貧苦無以供給求省郡遂省汶山郡復置都尉今州即漢蜀郡汶

江縣梁普通三年置繩州取桃園之路以繩作橋以名州後周為汶州置汶山縣唐改茂州取界內茂滋山而

名吐蕃以生羌為鄉導先悉薦翻斷丁攻陷其城以兵

據之由是西洱諸蠻皆降于吐蕃洱而志翻吐蕃盡據

羊同党項及諸羌之地東接涼松茂舊等州南鄰天竺

西陷龜茲疎勒等四鎮

党底朗翻舊音龜茲音丘慈

北抵突厥地方

萬餘里諸胡之盛莫與為比

丙申鄭州刺史江王元

祥薨

鄭州漢滎陽縣地漢滎陽屬河南郡晉分為滎陽郡後魏屬北豫州後置鄭州隋開皇十六年改曰

管州大業初復曰鄭州

突厥餘衆圍雲州

雲州漢平城縣地後魏為代都北齊及後

周為恒安鎮貞觀七年置雲州及定襄縣

代州都督竇懷慈

慈與皆同

右領軍中

郎將程務挺將兵擊破之

將即亮翻

八月丁未上還東都

中書令檢校鄴州都督李敬玄軍既敗屢稱疾請還

上許之既至無疾詣中書視事上怒丁巳貶衡州刺史

衡州漢鄆縣蒸陽耒陽茶陵縣地吳置湘東郡梁陳置衡山邵隋平陳置衡州京師東南三千四百三里至東

都二十七太子賢聞宮中竊議以賢為天后姊韓國

夫人所生內自疑懼明崇儼以厭勝之術為天后所信

厭於常密稱太子不堪承繼英王貌類太宗又言相王

相最貴相悉天后嘗命北門學士撰少陽正範顏延之

序曰正體毓德於少陽注云及孝子傳以賜太子傳直

又數作書誚讓之數所角翻太子愈不自安及崇儼死

賊不得天后疑太子所為太子頗好聲色與戶奴趙道

生等狎昵

好呼到翻
昵凡實翻

多賜之金帛司議郎韋承慶上書

諫不聽

上時
掌翻

天后使人告其事詔薛元超裴炎與御史

大夫高智周等襍鞠之於東宮馬坊搜得皂甲數百領

以為反具道生又款稱太子使道生殺崇儼上素愛太

子遲回欲宥之天后曰為人子懷逆謀天地所不容大

義滅親何可赦也甲子廢太子賢為庶人遣右監門中

郎將令狐智通等送賢詣京師

監古銜翻
將即亮翻

幽于別所黨

與皆伏誅仍焚其甲於天津橋南以示士民

劉昫曰東都周之王

城平王東遷所都也故城在今苑內東北隅自赧王以後及東漢魏文晉武皆都於今故洛城隋大業元年自故洛城西移十八里置新都今都城是也北據邙山南對伊闕洛水貫都有河漢之象跨洛為橋曰天津橋唐世人主往來東都西京而

承慶思謙之子也

韋思謙見一百九十

九卷永徽元年

乙丑立左衛大將軍雍州牧英王哲為皇太子

雍於周

改元赦天下太子洗馬劉訥言嘗撰俳諧集以獻

賢賢敗搜得之上怒曰以六經教人猶恐不化乃進俳

諧鄙說豈輔導之義邪流訥言於振州

舊志振州與崖州同在大海洲

中至京師八十六百六里至東都七十七百九十七里
流悉薦翻撰士免翻俳蒲皆翻 考異曰新傳云除名

為民復坐事流死

振州今從實錄 左衛將軍高真行之子政為太子典

膳承事與賢連上以付其父使自訓責政入門真行以

佩刀刺其喉真行兄戶部侍郎審行又刺其腹真行兄

子琰斷其首弃之道中

刺七亦翻琰從宣翻斷丁管翻

上聞之不悅貶

真行為睦州刺史審行為渝州刺史真行士廉之子也

舊志睦州京師東南三十六百五十九里至東都二十

八百二十一里渝州漢末之巴東郡隋置渝州京師西

南二十七百四十八里至東都三千

四百三十里高士廉長孫元忌之舅 左庶子中書門下

三品張大安坐阿附太子左遷普州刺史

舊志普州至京師二千三百六十里至東都

三千二百三里

其餘宮僚上皆釋其罪使復位左庶

子薛元超等皆舞蹈拜恩右庶子李義琰獨引咎涕泣

時論美之

九月甲申以中書侍郎同中書門下三品

王德真為相王府長史罷政事

唐制王府置長史司馬長史從四品上司馬從

四品下長史司馬統領府條紀綱職務相悉亮翻

冬十月壬寅蘇州刺史曹

王明

蘇州古吳國東漢為吳郡隋置蘇州因姑蘇山而名

沂州刺史嗣蔣王煒

漢琅邪國後魏置北徐州後周改沂州以沂水名

皆坐

故太子賢之黨明降封零陵郡王黔州安置煒除名道

州安置

道州漢零陵郡冷道馮乘之地隋以零陵郡置永州武德四年分置營州貞觀八年改曰道州

舊志黔州京師南三千一百九十三里至東都二千二百七十七里

丙午文成公主薨

于吐蕃

已酉車駕西還

十一月壬申朔日有食之

開耀元年

是年十月方改元新書作九月

春正月突厥寇原慶等州乙

亥遣右衛將軍李知十等屯涇慶二州以備突厥 庚

辰以初立太子敕宴百官及命婦於宣政殿

西京東內正殿曰含

元後殿

引九部伎及散樂自宣政門入

杜佑曰散樂即百戲也伎渠綺

翻散志
賈翻

太常博士袁利貞上疏以為正寢非命婦宴會

之地路門非倡優進御之所

上時掌翻
倡音昌

請命婦會於別

殿九部伎自東西門入其散樂伏望停省上乃更命置

宴於麟德殿

麟德殿麟德中所作也閣本大明宮圖翰林院密通麟德殿韋執誼曰翰林院在右

銀臺門內麟德殿在西
重廊之後更工衡翻

宴日賜利貞帛百段利貞昂之

曾孫也利貞族孫誼為蘇州刺史自以其先自宋太尉

淑以來盡忠帝室

袁淑死於宋元凶之難袁顗以死奉子勛袁昂盡節於齊室袁憲盡忠於

陳後主

謂琅邪王氏雖奕世台鼎而為歷代佐命

琅邪王氏股肱

晉室而王弘為宋室佐命王儉為齊室佐命王恥與為比
梁室之興侯景之篡王亮王克為勸進之首

嘗曰所貴於名家者為其世篤忠貞才行相繼故也

于為

偽翻行彼鬻婚姻求祿利者又烏足貴乎時人是其言

下孟翻因袁利貞併著袁誼之言以其有益於名教也

裴行儉軍既還突厥阿史那

伏念復自立為可汗

復扶又翻杜佑曰伏念頡利從兄之子

與阿史德溫

傳連兵為寇癸巳以行儉為定襄道大總管以右武衛

將軍曹懷舜幽州都督李文暕為副將兵討之

暕古限翻將即

翻亮

二月天后表請赦杞王上金鄴陽王素節之罪以

上金為沔州刺史

沔州漢安陸之地晉置沔陽縣江左為魯山鎮隋開皇十七年置漢陽縣

屬復州復州治沔陽大業初改復州曰沔州唐復以沔州為復州分漢陽置沔州

素節為岳州

刺史

岳州漢下雋縣地吳置巴陵縣晉置建昌郡梁置巴州隋改曰岳州因天岳山以名州大業初改羅

州唐復曰岳州舊志岳州京師東南二千二百三十七里至東都一十八百一十六里

仍不聽朝

集

朝直遙翻

三月辛卯以劉仁軌兼太子少傅餘如故

仁軌

先為尚書左僕射同中書門下三品

以侍中郝處俊為太子少保罷政事

少府監裴匪舒善營利

少詩照翻

奏賣苑中馬糞歲得錢二

千萬緡上以問劉仁軌對曰利則厚矣恐後代稱唐家

賣馬糞非嘉名也乃止匪舒又為上造鏡殿成

為子偽翻上

與仁軌觀之仁軌驚趨下殿上問其故對曰天無二日

土無二王

孟子識孔子之言

適視四壁有數天子不祥孰甚焉

上遽令別去

去先呂翻

曹懷舜與裨將竇義昭將前軍擊

突厥

將即亮翻下同又音如字

或告阿史那伏念與阿史德溫傅在

黑沙

黑沙城後突厥點啜以為南庭

左右纔二十騎以下可逕往取也

寄奇翻

懷舜等信之留老弱於瓠蘆泊

水白為泊

帥輕銳倍道

進至黑沙無所見人馬疲頓乃引兵還會薛延陀部落

欲西詣伏念遇懷舜軍因請降

帥讀曰率降戶江翻

懷舜等引兵

徐還至長城北遇溫傳小戰各引去至橫水

橫水去金河百四十

許里遇伏念懷舜義昭與李文暕及裨將劉敬同四軍合

為方陳

陳讀曰陣

且戰且行經一日伏念乘便風擊之軍中

擾亂懷舜等弃軍走軍遂大敗死者不可勝數

勝音升懷

舜等收散卒歛金帛以賂伏念與之約和殺牛為盟伏

念北去懷舜等乃得還

還從宣翻又音如字

夏五月丙戌懷舜免

死流嶺南

己丑河源道經略大使黑齒常之將兵擊

吐蕃論贊婆於良非川破之收其糧畜而還畜許常之

救翻

在軍七年吐蕃深畏之不敢犯邊初太原王妃之薨

也

武士驍封太原王妃從其爵咸亨元年薨

天后請以太平公主為女官以

追福

公主天后女也

及吐蕃求和親請尚太平公主上乃為立

太平觀以公主為觀主以拒之

為于偽翻觀古玩翻

至是始選光

祿卿汾陰薛曜之子紹尚焉紹母太宗女城陽公主也

據會要城陽公主先降杜荷荷誅降薛曜新書亦然

秋七月公主適薛氏自興安

門南至宣陽坊西燎炬相屬

自興安門而南歷三坊至宣陽坊萬年縣治在焉屬

之欲
翻

夾路槐木多死紹兄顗以公主寵盛深憂之

顗魚
翻

以問族祖戶部郎中克構

唐戶部郎掌分理戶口井田之事凡天下十道任土所出

為貢賦
之差

克構曰帝甥尚主國家故事苟以恭慎行之亦

何傷然諺曰娶婦得公主無事取官府不得不為之懼

也天后以顗妻蕭氏及顗弟緒妻成氏非貴族欲出之

曰我女豈可使與田舍女為妯娌邪

為子偽翻妯直六
翻娌兩耳翻妯娌

娣如
婦也

或曰蕭氏瑤之姪孫國家舊姻

蕭瑤子銳尚太
宗女襄城公主

乃

止夏州羣牧使安元壽奏自調露元年九月以來喪

馬一十八萬餘匹監牧吏卒為虜所殺掠者八百餘人

夏戶推翻使疏吏翻喪息浪翻唐諸牧監掌群牧孳課之事凡諸羣牧立南北東西四使以分統之其馬皆印每歲終監牧使巡案孳數以功過相除為之考課此止夏州所喪失之數薛延陀達渾等

五州四萬餘帳來降

達渾都督領姑衍州步訖若州嶧彈州鵲州低粟州降戶江翻

甲午左僕射兼太子少傅同中書門下三品劉仁軌固

請解僕射許之 閏七月丁未裴炎為侍中崔知溫薛

元超並守中書令 上徵田遊巖為太子洗馬在東宮

無所規益右衛副率蔣儼

右衛副率從四品上洗悉薦翻率所律翻

以書責

之曰足下負巢由之俊節傲唐虞之聖主聲出區宇名

流海內主上屈萬乘之重申三顧之榮

三顧用諸葛亮事上幸嵩山書

至遊巖所居故云然來繩證翻

遇子以商山之客

漢四皓隱於商山

待子以不

臣之禮將以輔導儲貳漸染芝蘭耳

漸子康翻

皇太子春秋

鼎盛聖道未周僕以不才猶參庭諍足下受調護之寄

漢高帝謂四皓曰煩公卒調護太子

是可言之秋唯唯而無一談悠悠以

卒年歲

唯子癸翻卒子恤翻

向使不食周粟

夷齊採薇西山不食周粟食十安翻

僕

何敢言祿及親矣以何酬塞

遊巖有母塞悉則翻

想為不達謹書

起予

孔子謂子夏曰起予者商也為子偽翻

遊巖竟不能答 庚申上以

服餌令太子監國

監古街翻

裴行儉軍于代州之陁口

即鴈

門之陁嶺關

多縱反間由是阿史那伏念與阿史德溫

傳浸相猜貳伏念留妻子輜重於金牙山

突厥之初建牙於金山其

後分為東西突厥凡建牙之地率謂之金牙山蘇定方直抵金牙山擒賀魯此西突厥可汗所居之金牙山也

裴行儉遣程務挺等掩金牙山取伏念妻子此東突厥可汗所居之金牙山也可汗所居謂之金帳故亦以金

牙言之間古覓翻下同

以輕騎襲曹懷舜行儉遣裨將何

迦密自通漠道程務挺自石地道掩取之

騎奇寄翻將即亮翻下同

迦居牙翻
又居伽翻

伏念與曹懷舜約和而還比至金牙山

還從
宣翻

比必
刊翻

失其妻子輜重士卒多疾疫乃引兵北走細沙行

儉又使副摠管劉敬同程務挺等將單于府兵追躡之

伏念請執溫傳以自效然尚猶豫又自恃道遠唐兵必

不能至不復設備

走音奏躡泥輒翻
復扶又翻單音蟬

敬同等軍到伏念

狼狽不能整其衆遂執溫傳從間道詣行儉降候騎告

以塵埃漲天而至將士皆震恐行儉曰此乃伏念執溫

傳來降非它盜也然受降如受敵不可無備乃命嚴備

遣單使迎前勞之少選

間古覓翻降戶江翻下同騎奇寄翻使疏吏翻勞力到翻少選

猶言少頃也

伏念果帥酋長縛溫傳詣軍門請罪

帥讀曰率酋慈由翻

長知兩翻

行儉盡平突厥餘黨以伏念溫傳歸京師

厥九勿翻

冬十月丙寅朔日有食之

壬戌裴行儉等獻定襄之

俘乙丑改元

改元開耀

丙寅斬阿史那伏念阿史德溫傳等

五十四人于都市

既書十月丙寅朔日食方書壬戌裴行儉獻俘乙丑改元又書丙寅斬阿

史那伏念等是十月一月內有二丙寅矣此舊史之誤通鑑因之失於檢點也新書是年九月乙丑改元蓋士

戍獻俘亦九月事前年命行儉為定襄道行軍大總管以討突厥故曰獻定襄之俘

初行儉許伏

念以不死故降裴炎疾行儉之功奏言伏念為副將張

虔勗程務挺所逼又迴紇等自磧北南向逼之窮窘而

降耳

紇下沒翻磧七迹翻

遂誅之行儉歎曰渾濬爭功

事見八十一卷晉武

帝太康元年言若爭伏念之死則是與張虔勗程務挺爭功

古今所耻但恐殺降無

復來者

復扶又翻

因稱疾不出丁亥新羅王法敏卒

卒子恤翻

遣使立其子政明十一月癸卯徙故太子賢於巴州

舊志巴州至京師二千三百六十里東都二千五百八十二里

資治通鑑卷二百二